

ფასი 1.50 ლარი

სპორტული

№ 25 28 ივნისი-4 ივლისი 2015
ყოველკვირეული სპორტული ჟურნალი



პარტნიორი
Step to the Future



4 თვე აპრილი სპორტული 9 მატიჩი



1/8 ფინალი		
28.06	ბრაზილია-ჩილე	20:00
28.06	კოლუმბია-ურუგვაი	23:59
29.06	ჰოლანდია-მექსიკა	20:00
29.06	კოსტა რიკა-საბერძნეთი	23:59
30.06	საფრანგეთი-ნიგერია	20:00
30.06	გერმანია-ალჟირი	23:59
01.07	არგენტინა-შვეიცარია	20:00
01.07	ბელგია-აშშ	23:59

ბრაზილიის
ნაკრების მაისურა
ლელო WEEK-თან
ერთად



მაისურის ფასი
18.50 ლარი

ჟურნალთან ერთად
20 ლარი

- 1 განათავსე ცოცხალი ფსონი
- 2 თუ ფიქრობ, რომ მოგება ხელიდან გეცლება, დააჭირე **CASH-IN**
- 3 გაინაღდე მოგება თამაშის დასრულებამდე




iveriabet.com

სამხედრო-ანალიტიკური ჟურნალი

არსენალი

ინფორმაცია,
ნამდვილი მამაკაცებისთვის!



ყოველთვიური ჟურნალი!
იკითხეთ კრახის გამავრცალაბლბთან!



კრახსა და წიგნები აღმიღვბ მიწოდებით, ფასნაბბთის ბარემჲ თელ.: 238 26 73; 238 26 74; 238 26 76 www.elva.ge



პალიტრა
პალიტრა



გაზეთ ლელოს
მთავარი რედაქტორი
თეზიკო ბაჩიანი



გამოიცავს
ყოველ შაბათს

მთავარი რედაქტორი
ანა ბაჩიანი

ავტორები

გია ტუხაშვილი
მერაბ მამულაშვილი
კობა ინასარიძე
ვაჟა სიმონიშვილი
ვაჟა დანელია
ირაკლი თავაძე
ბესიკ ჯანგაძე
ნიკოლოზ ნეფარიძე
გოტფრიდ ლენცი
ლევან ბიბილაშვილი
ლამა ნიკლაური
ტატო ბაციკაძე
გიორგი კაკაბაძე
გია თვალაბეიშვილი

ტექნიკური ჯგუფი

მიხეილ ჯაში
დავით შალუტაშვილი

მხატვრული რედაქტორი

ვაჟა სიმონიშვილი

კორექტორა

ლელა ხომასურაძე
მანანა დაუშვილი

ფოტო

თამუნა ყულუმბეგაშვილი
გურამ დოღენჯაშვილი

პალიტრა მედიის ცხელი ხაზი:

2 19 60 13; 2 19 60 53.

ელფოსტა: contact@pallitra.ge;

მისამართი: იოსებძის, 49.

ელფოსტა

lelotd@gmail.com (რედაქცია);

lelo@pallitra.ge

ინდექსი 66435 INDEX.

სარეკლამო განყოფილება:

237 78 07; 2 23 80 09

საბანკო რეკვიზიტები:

შპს „გამომცემლობა ლელო“,

205262062.

ბანკი „ქართუ“ CRTUGE22

ა/ა GE19CR0120007000043608



დაიბეჭდა სტამბა
კოლორი

რედაქციასთან შუამდგომლობა
შურნალის კომპიუტერული
მასალებისა და ფოტოების სხვა
ბეჭდვით და ელექტრონულ
საშუალებებით
გამომცემლობა აკრედიტებული

სარჩევი

4 შვილდელაული. კვირის
მნიშვნელოვანი მოვლენები

6 მუდიალი 2014. ამერიკული
დომინანსია. ჯგუფური ეტაპის
კირველი ტურის მიმოხილვა



12 სავსიალისტის აზრით. დიეგო
კოშტა დელ ბოსკას შეხდომა
იყო. ინტერვიუ ღვთისმშობელთან

18 ფიასკოს შემდეგ. ინგლისის ნაკ-
რები სვლილებების ზღვარზე

22 PRO and CONTRA.
ქართველი სავსიალისტები
მუდიალის შესახებ

24 მე გიშველი, შვილო! ბულგარული
ჯალათის დანტაქარი,
როგორღაღას სანსაული მოახდინა



26 ფიქრები ოქიანის გაღვიდან.
ნაფხურები პატარა ეზოში.
ზინელინ ზინელი

28 ისტორიიდან. ქართული
ფეხბურთის ნატანჯი და
დაუფასებელი პატრიარქი.
ანდრო ჟორდანი



30 სასიფათო სკორტი. ხუთი
აღბილი, სადაც უნდა
გაემგზავროთ აღრენალინის
გამოსაყოფად

32 სახელები. ვახტანგ ბლაბიძე.
ფინალის წინ უნგრელს
მუხლები უქანკალებდა

34 თბილისი 2014. სკორტის
დედოფალი დაგვემშვიდოვა

36 სახალისო

38 სკანვორდი



ინა კვირას, „შვიდდღეული“ რეგიონული პრინციპით დავეყავით. ჯერ მსოფლიოს ჩემპიონატის მონაწილე ევროპულ გუნდებზე ვიმსჯელებთ, შემდეგ ამერიკელებზე, აფრიკელებზე და აზიელებზე... მას მერე ბრაზილიის სტადიონებზე სიტუაცია ისე შეიცვალა, რომ ამ პუბლიკაციისთვის რეგიონული პრინციპით დახარისხება არაფრად გამოგვადგება: აფრიკა ჩაიძირა, თითქმის ასეთივე კატასტროფის წინაშე აღმოჩნდა ევროპა.

თავად განსაჯეთ: სხვადასხვა დროს მსოფლიოს ჩემპიონატის ტიტული ხუთ ევროპულ გრანდს მოუპოვებია, რომელთაგან სამი 2014 წლის მსოფლიოს ჩემპიონატს ჯგუფურ ეტაპზე გამოეთიშა - იტალია, ინგლისი და ესპანეთი. ამ ნაკრებებს საქართველოში უამრავი ქომავალი ჰყავს და იოლი წარმოსადგენია მათი მდგომარეობა... კოპა ამერიკას ვუყუროთ? - კითხულობს ერთი. ყველაზე უფერულ ფეხბურთს საბერძნეთი თამაშობს და მაინც დამაინც ამ ნაკრებმა უნდა დაიცვას ევროპის პრესტიჟი?! - კითხულობს მეორე... მათ სხვები ახსენებენ, რომ მუნდიალს ჯერ კიდევ შემორჩა გერმანია, ჰოლანდია, საფრანგეთი, მაგრამ მათი ჯგუფიდან გასვლა მაინც ვერ ხსნის ნახევარი ევროპის დაცემის ფაქტს.

სუნამი?

მაინც რა მოხდა? რამ განაპირობა იტალიის, ინგლისისა და ესპანეთის ჩაძირვა? ესპანეთი და ინგლისი ატლანტის ოკეანის სანაპიროზეა და იქნებ სამხრეთ

ამერიკიდან წამოსულმა ცუნამმა მოულო ბოლო? თუმცა ცუნამი იტალიამდე ვერ მიაღწევდა, აჟენინის ნახევარკუნძული ხომ კარგად დაცულ, ხმელთაშუა ზღვაში მდებარეობს.

მაშ რა მოხდა? - გავიმეოროთ შეკითხვა. შესაძლოა, ცუნამისეულ ვერსიასავით აბსურდულად ჩანდეს, მაგრამ არის ერთი მოსაზრება, რომელიც იოლად ხსნის იტალია-ესპანეთი-ინგლისის წარუმატებლობას. ისინი საფეხბურთო ფორტუნამ დასაჯა. რა დაამავეს? მათ ხომ არავისთვის უკებნიათ, არც მსაჯების დახმარებით გაუტანიათ გოლები, უსამართლოდ არავის მოქცევიან... თამაშობდნენ რაციონალურ ფეხბურთს, იცოდნენ რომ მსოფლიოს ჩემპიონატი გრძელი მარათონია და თავიდანვე არ შეასკდნენ მეტოქეებს, ძალებს პლეი ოფისთვის ზოგავდნენ. ესპანეთს ასეთი ფეხბურთი ახასიათებს - ბურთის გორაკობით ერთობა და 90 წუთში ბოძებულ ერთ-ორ შანსს კარგად იყენებს. იტალიამ კი მესამე ტურში, ურუგვაისთან მატჩში ფრეზე ითამაშა - არც თვითონ უტევედა მწვავედ (არადა შეუძლია) და არც მოწინააღმდეგეს აძლევდა ამის უფლებას. ხომ გაგიგიათ ავი ძაღლის ამბავი - არც თვითონ შეჭამს და არც სხვას შეაჭმევსო?.. ძაღლო-

რა არის



ბა ასე არ უნდაო, გაბრაზდა ურუგვაელი ლუის სუარესი და იტალიელ კიელინის ერთი გემრიელად უკბინა. ურუგვაიმ კი იტალიას - 1:0.

მოატყუა ერთი, მოკრა...

ხვალემ იკითხოს ხვალისაო, - ამ ქართული ანდაზის შემქმნელები ინსტიტუტებით კი არა, ცხოვრებისეული კანონზომიერებით ხელმძღვანელობდნენ. ფეხბურთიც ცხოვრების ნაწილია და აქაც მოქმედებს კანონზომიერებები, რომლის დამრღვევებს ფორტუნა ასამართლებს. როცა მოედანზე გადიხარ და იმაზე ფიქრობ, ბურთი არ გაუშვავ და დიდი მნიშვნელობა არა აქვს გავიტან თუ არაო, - ეს უკვე დიდი შეცდომაა. ვიდრე



მოედანზე გავალთ, უნდა გავიზაროთ რა არის ფეხბურთი. ჰო, რა არის ფეხბურთი? ამ კითხვაზე ამომწურავად გვიპასუხა ქართული ფილმის, „ბურთი და მოედნის“ გმირმა: „რა არის ფეხბურთი? - ბურთი, სტადიონი... დაარტყა იამანიძემ, მიიღო კალოევმა, გადასცა მესხს... მესხმა თავისი შესანიშნავი ფინტებით მოატყუა ერთი, მოატყუა მეორე, მოატყუა მესამე, მოატყუა მეოთხე, მე-ხუთე, მეკარე, დარტყმა - არის!“

ფეხბურთი?



ევროპაში ყველაფერს წინასწარ თვლიან, ბილეთი რამდენიმე თვით ადრე თუ არ აიღე, შესაძლოა, აღარც შეგხვდეს... სამხრეთ ამერიკაში კი ქართული ხასიათის ხალხი დღევანდელი დღით ცხოვრობს, შეუძლიათ ერთ დღეში, ერთმატჩში მთელი ენერჯია ხელფასივით დახარჯონ და არ ფიქრობენ ხვალ როგორ გაიტანენ


თავს. იტალიასთან დაწინაურების შემდეგ არც ურუგვაი ჩამდგარა ყრუ დაცვაში, არც კოსტარიკა, ხოლო მექსიკამ ხორვატიასთან ერთი რომ გაიტანა, მეტოქის დარად კიდევ უფრო გახსნა თამაში და სულ ხუთი გოლი ვიხილეთ. მაყურებელს სწორედ ეს მოსწონს და არა 0:0, როცა კარში დარტყმების გრაფაში 2:2 წერია.

ფორტუნა და სუარესი

და კიდევ ერთი - ფეხბურთი იმიტომაცაა საინტერესო, რომ თეატრისგან განსხვავებით, წინასწარ განსაზღვრული სცენარით არ მიმდინარეობს, არაპროგნოზირებადი. როგორც ჩანს, ფორტუნასაც ამოუცნობი ფეხბურთელები უყვარს: ინგლისთან მატჩში ურუგვაელებს ძალიან ცოტა საგოლე მომენტი შეექმნათ, აქედან ორჯერ საფეხბურთო განგებამ არასტანდარტული ადამიანი, ლუის სუარესი დააჯილდოვა დასარტყმელი პოზიციით და ლუისმაც არ გაანბილა. იმავე სუარესი იტალიასთან მთლად არაპროგნოზირებადი იყო: ორ შემთხვევაში, როცა ყველა მისგან საგოლე პასს ელოდა (ნებისმიერი ევროპელი გადაცემას გააკეთებდა), თავად გადანყვიტა შეტევის დაგვირგვინება, იტალიელი მცველებიც მოატყუა, მაგრამ გოლებამდე ცოტა დააკლდა. მის კბენაზე ხომ აღარაფერს ვამბობთ, რასაც ტოტალიზატორებში მეტად დიდი კუში ჰქონდა... კარგად შე-

ნიშნა გოჩა თანდარაშვილი: „სულ მეცინება... რა დებილობაა, ფეხბურთელი რომ ხარ, კაცი აგყავს და გეშინია, არ გიკბინოს... რა მწვრთნელის დარიგება და რა პოზიციის შერჩევა? - როგორც ძაღლს, ტიპს ისე ერიდები...“

ვაჟა სიომონიშვილი





FIFA WORLD CUP
Brasil

ამერიკული



ჩეზარე პრანდელი და როი ჰოვსონი

ეასპარეზა - კარგი შემადგენლობა, გამოცდილი და ნიჭიერი ფეხბურთელების მშვენიერი ნაზავი, ასევე გამოცდილი და თან ინგლისელი მწვრთნელი, ვინც გუნდს ბოლო ორი წლის განმავლობაში აწყობდა, და წარმატებით ჩატარებული საკვალიფიკაციო ეტაპი, მიუხედავად იმისა, რომ **როი ჰოვსონის** გუნდი საკმაოდ რთულ შესარჩევ ჯგუფში იყო. შედეგი კი მაინც ძველებურია - ინგლისი გაეარდა.

ჰოვსონმა, იტალიასთან ნაგების მიუხედავად, ურუგვაისთან სათამაშოდ იგივე 11 ფეხბურთელი დარაზმა და შედეგიც პირველი მატჩის მსგავსი მიიღო - 1:2. თანაც, შეხვედრის მიმდინარეობაც ანალოგიური იყო - „სამი ლომი“ თავიდან აგებდა, შემდეგ **უეინ რუნის** გოლით ბრიტანელებმა ანგარიში გაათანაბრეს, ბოლოს კი მაინც წააგეს.

კუნძულებმა ძალიან არა-

მუნდიალი გახურდა, ჯგუფური ეტაპი დასრულდა და პლეიოფის ჯერიც დადგა. როგორც მოსალოდნელი იყო, ტურნირი ამერიკული გუნდების დომინირებით მიმდინარეობს, ევროპელებმა კი, სხვადასხვა მიზეზის გამო, 2014 წლის მუნდიალი აშკარად ჩააგდეს, თუმცა ტიტულის რამდენიმე პრეტენდენტი ბებერ კონტინენტსაც შემორჩა...

ინგლისი

ინგლისის ნაკრებმა გულშემატკივრები კიდევ ერთხელ გაანბილა და მუნდიალზე ასპარეზობა კვლავ ნაადრევად დაასრულა. იტალიასთან ნაგებული მატჩის შემდეგ, ბრიტანელები ურუგვაისთანაც დამარცხდნენ და 1/8 ფინალში გასვლის ყველანაირი შანსი დაკარგეს. თითქოს, ინგლისის ამ ნაკრებს ყველაფერი ჰქონდა იმისთვის, რომ წარმატებით



ინგლისის ნაკრები ჯგუფიდან ვერ გავიდა



დოჰინასია

დამაჯერებელი თამაში აჩვენეს. გუნდს, თითქოს საკუთარი სტილი არ ჰქონდა - საკმაოდ ქაოსურად უტევედა და თავსაც ქაოსურად იცავდა. გოლის მიუხედავად, შეგვიძლია ვთქვათ, რომ მუნდიალი ჩააგდო უშუალოდ რუნიმაც, რომლისგანაც ყველა ლიდერობას ითხოვდა. **სტივენ ჯერარდისა და ჯორდან შენდერსონის** დუეტი, როგორც ჩანს, მხოლოდ ბრენდან როჯერსის ხელშია პროდუქტიული. პირველ ორ მატჩში საერთოდ არ უთამაშია **ფრენკ ლემპარდს, ჯეკ უილშირმა** კი მხოლოდ ერთხელ, ისიც ცვლილებაზე ითამაშა. სულ რამდენიმე წუთით გავიდა მინდორზე **რიკი ლამბერტი, ადამ ლალანა** კი ორივე შეხვედრაში მეორე ტაიმში გამოჩნდა.

რა თქმა უნდა, ჰოჯსონს საკმაოდ დიდი არჩევანი ჰქონდა და შეცდომებისგან დაზღვეულიც არავინაა, თუმცა ბრიტანელის მთავარი შეცდომა უფრო ის იყო,



მონდრაგონმა მილას რეკორდი მოსსნა



ნიემარმა კამერუნთანაც გაიბრწყინა

რომ პირველი, არც ისე კარგად ჩატარებული შეხვედრის შემდეგ, შემადგენლობა და ტაქტიკა უცვლელი დატოვა.

ბრაზილია

ტურნირის დაწყების წინ ბრაზილია მთავარ ფავორიტად ითვლებოდა. მექსიკასთან ფრედ დასრულებული მატჩის შემდეგ ბევრს „სელესაოს“ ფავორიტობაში ეჭვი შეეპარა, თუმცა ბოლო ტურში **ლუიზ ფელიპე სკოლარის** გუნდმა კამერუნი გაანადგურა (4:1) და ჯგუფში პირველი ადგილიც დაიკავა.

კიდევ ერთხელ გაიბრწყინა **ნიემარმა**, რომელმაც მეორე დუბლი შეასრულა და ჯგუფური ეტაპი 4 გოლით დაასრულა. კამერუნთან გამართული შეხვედრის საუკეთესო ეპიზოდი კი ის მომენტი იყო, რომელიც საბოლოოდ



გოლით არ დასრულდა - ნეიმარმა, **ოსკარმა** და **პაულინიომ** საოცარი კომბინაცია გაითამაშეს, რომლის შედეგადაც დასარტყმელ პოზიციაზე დარჩა **შალკი**, ამაჲ კი ახლო მანძილიდან ვერ გაიტანა და მუნდიალმა ერთ-ერთი საუკეთესო გოლი დაკარგა.

მექსიკასთან ფრედ დასრულებულ შეხვედრას კი დიდი მნიშვნელობა არ უნდა მივანიჭოთ, რადგან „აცტეკები“ ბრაზილიასთან ყოველთვის კარგად თამაშობდნენ. თავად განსაჯეთ: XXI საუკუნეში ეს გუნდები ერთმანეთს მეთოთხმეტედ შეხვდნენ და უპირატესობა მექსიკის მხარესაა - 7 მოგება, ბრაზილიას კი - მხოლოდ 4. რთულია, იპოვო კიდეც სხვა ნაკრები, რომელსაც „სელესაოსთან“ 2000 წლის შემდეგ გამართულ შეხვედრებში ასეთი უპირატესობა ექნება.

მასპინძლებს 1/8 ფინალში ჩილეს ნაკრები ელით, რომელიც ძალიან კარგი გუნდი კია, მაგრამ ბრაზილია ისეთივე უხერხული მეტოქეა ჩილესთვის, როგორიც მექსიკაა - ბრაზილიისთვის. მეტიც - ჩილემ ჯგუფური ეტაპი ისტორიაში სულ მეოთხედ გადალახა და წინა სამ შემთხვევაში (1962, 1998, 2006) ტურნირს სწორედ ბრაზილიასთან პლეიოფის შემდეგ გამოეთიშა...

დალღილი ეპროკლეზი

რამდენიმე ძლიერი ნაკრები აშკარად გადაიღალა. საოცარი სანახავი იყო ნიგერიისა და ბოსნიის დაპირისპირების მეორე ტაიმი - ბალკანელებს სირბილი კი არა, სიარული უჭირდათ. მოთამაშეები მოედანზე ისე გადაადგილდებოდნენ, თითქოს ფეხებზე სიმძიმეები ჰქონდათ მიბმული.

მართალია, ამ შეხვედრაში არბიტრმა ბოსნიელები აშკარად დაჩაგრა, როდესაც **ედინ ჯეკოს** წესების დაცვით გატანილი გოლი არარსებული თამაშგარის მოტივით გააუქმა და საპირისპიროდ კი ნიგერიელთა მიერ საეჭვო სიტუაციაში გატანილი ბურთი ჩათვალა, მაგრამ მაინც უნდა აღინიშნოს, რომ ბოსნიელთა ფიზიკური მომზადება ვერანაირ კრიტიკას ვერ უძლებდა. მიუხედავად ამისა, ჯეკოს ბოლო წამებზე ანგარიშის გა-



გამოფიტული იტალიელები

თანაბრების შანსი ჰქონდა, მაგრამ მისი დარტყმის შემდეგ ბურთი ჯერ **ენიემამ** მოიგერია, შემდეგ კი - ძელმა. საბოლოოდ, ნიგერიამ 1:0 მოიგო და ბოსნია, მოულოდნელად, ჯგუფში ჩარჩა.

ასევე გადაღლილი ჩანდა ხორვატია, რომელიც გადამწყვეტ შეხვედრაში მექსიკას 75 წუთი ეჭიდავა, შემდეგ კი სამი გოლი გაუშვა და მხოლოდ ის მოახერხა, რომ ბოლო წუთებზე პრესტიჟის გოლი გაიტანა.

თვალშისაცემია ისიც, რომ ჩვენი დროით 20 საათზე გამართული მატჩებისას ფეხბურთელებს ნორმალურ ტემპში თამაში უჭირთ, რაც გასაკვირი სულაც არაა - მართალია, ბრაზილიაში ახლა ზამთარია, მაგრამ ამ ქვეყნის დიდ ნაწილში, სეზონის ცვლა ტემპერატურას დიდად არ ეტყობა. შესაბამისად, ადგილობრივი დროით პირველ საათზე, როცა მატჩები იწყება, ძალიან ცხელა, რაც მოთამაშეთა მდგომარეობაზე ადეკვატურად აისახება.

იგივე ითქმის იტალიის ნაკრებზეც - ურუგვაისთან გადამწყვეტი შეხვედრის ბოლო წუთებზე, როდესაც აპენინელებს გოლი სჭირდებოდათ, გუნდის რამდენიმე ლიდერს მოედანზე გადაადგილება უჭირდა. ფაქტია, სათამაშო დღის პირველი თამაშების დროს ძალიან ცხელა და ჩახუთული ჰაერის გამო, უკვე არაერთმა მოთამაშემ, მწვრთნელმა თუ ჟურნალისტმა დაინუნუნა.

მსაჯობა

მსაჯის შეცდომაზე ბოსნია-ნიგერიის შეხვედრის დროსაც ვისაუბრეთ. საბედნიეროდ, მეორე ტურში არბიტრებს იმდენი და ისეთი მნიშვნელოვანი შეცდომები აღარ დაუშვიათ, როგორც პირველ ტურში, მაგრამ უზუსტობები მაინც იყო.

კიდევ ერთხელ უნდა აღვნიშნოთ, რომ ფიფას წესი, რომლის მიხედვითაც, მსოფლიოს ჩემპიონატზე მსაჯები ყველა კონფედერაციიდან უნდა იყვნენ, აშკარად არ ამართლებს. თვალსაჩინოა სხვაობა ევროპელ თუ სამხრეთამერიკელ და აფრიკელ/აზიელ არბიტრებს შორის, რაც გასაკვირი ნამდვილად არ არის.



ბოსნია-ნიგერიის შეხვედრის მთავარი მსაჯი **პიტერ ოლირი** ახალზელანდიელია, ისევე, როგორც მისი ასისტენტები. დამეთანხმებით, რომ შეუძლებელია არბიტრმა, რომელიც მთელი სეზონის განმავლობაში ახალი ზელანდიის თუ ავსტრალიის ჩემპიონატში მსაჯობს, მუნდიალის სისწრაფეებს ალღო უტყვად აულოს და შეცდომა არ დაუშვას. იგივე ოლირი, აქამდე მხოლოდ ზელანდია-ავსტრალიის ჩემპიონატებსა და ოკეანეთის ჩემპიონატში ლიგაში საქმიანობდა, სადაც, მართალია, ფინალში იმსაჯა, მაგრამ სად ზელანდიური დერბის (უაითეკერი-ოკლენდი) განსჯა და სად - მუნდიალის მნიშვნელოვანი შეხვედრის?!

მოკლედ, ფიფას ეს ნესი აშკარად შესაცვლელია და რაც უფრო მალე მიხვდებიან ამას მსოფლიო ფეხბურთის მმართველ ორგანიზაციას, მით უკეთესი... თუმცა, არც

ისაა გამორიცხული, რომ ამ ორგანიზაციაში ეს ყველაფერი ისედაც ძალიან კარგად იციან - ბოლო წლებში მომხდარი უამრავი კორუფციული თუ სხვა სახის სკანდალის შემდეგ, ფიფასგან გასაკვირი უკვე აღარაფერია.

რამდენიმე მასინჟალი

ჯგუფურ ეტაპზე გამოჩნდა, რომ კონტინენტურ კუთვნილებას მართლაც დიდი მნიშვნელობა აქვს. სამხრეთ, ცენტრალური და ჩრდილოეთ ამერიკის გუნდები ბრაზილიურ მოედნებზე თავს უფრო კარგად გრძობენ, ვიდრე სხვა კონტინენტის წარმომადგენლები.

ძალიან მნიშვნელოვანია გულშემატკივრების ფაქტორიც. მაგალითად, იმავე მექსიკამ ხორვატიასთან გადამწყვეტ შეხვედრაში, ფაქტობრივად, შინ ითამაშა - ტრიბუნები მათი ქომაგებით იყო გადაჭყდილი და ფეხ-

ბურთში არც ისე კარგად ჩახედული ადამიანი იფიქრებდა, რომ მატჩი არა ბრაზილიაში, არამედ მექსიკაში იმართებოდა.

იგივე შეიძლება ითქვას კოლუმბიის, არგენტინის, ჩილესა და ეკვადორის ნაკრებებზეც - ყველა შეხვედრაში ტრიბუნები ამ გუნდების ქომაგებით იყო გადაჭყდილი, ეს კი, რა თქმა უნდა, უდიდესი უპირატესობაა.

სიომ დაუბარა, სამარისმა და სამარასმა კი კოტ დივუარი დაასამარეს

საბერძნეთის ნაკრები ჯგუფიდან თავის სტილში, დრამატული ბრძოლით გავიდა და 1/8 ფინალში მეტოქედ კოსტა რიკა ერგო. მართალია, კოსტა რიკამ სამივე შეხვედრაში ძალიან ძლიერი გუნდის შთაბეჭდილება დატოვა, მაგ-

რამ დარწმუნებით შეიძლება იმის თქმა, რომ ბერძნები თავს ძალიან ილბლიანებად თვლიან და იტალიასთან ან ურუგვაისთან შეხვედრას, ისევე კოსტა რიკა ერჩივნათ.

კოტ დივუართან გამართული გადამწყვეტი შეხვედრის გმირი **გეორგიოს სამარასი** გახდა, რომელმაც ჯერ თითქმის მოგვარე **ანდრეს სამარისს** გაატანინა, უკანასკნელ წამებზე კი 11-მეტრიანი მოიპოვა, რომელიც თავადვე შეასრულა და საკუთარი გუნდი მომდევნო ეტაპზე გაიყვანა. ანტიგმირად კი **ჯოვანი სიო** იქცა, ვინც ბურთზე თამაში სცადა, მაგრამ სამარასის ფეხს გამოედო და კოტ დივუარის ნაკრები დაღუპა.

მოდრაგომმა მილას რეკორდი მოხსნა

აქამდე, ყველაზე ასაკოვანი ფეხბურთელი, რომელსაც მუნდიალზე ჰქონდა ნათამაშები **როჟე**



სამარასმა კოტდივუარელები დაასამარა



FIFA WORLD CUP
Brasil

ბრაზილია 2014



მსოფლიოს ჩემპიონატი. 12 ივნისი-13 ივლისი



ლიონელ მესი ბომბარდირობისთვისაც იბრძვის

მესი

ლიონელ მესიმ ჯგუფური ეტაპის სამივე შეხვედრაში გაიტანა და საკუთარი ნაკრების რეკორდი დაამყარა - ის პირველი არგენტინელია, ვინც თავი ჯგუფური ეტაპის სამივე შეხვედრაში გამოიჩინა. „ბარსელონას“ 10-ანმა ირანთან უკანასკნელ ნამებზე ულამაზესი დარტყმით შეაგდო. ნიგერიასთან შეხვედრაში კი ლეონ ჯერ დამატებაზე ივარგა, მოგვიანებით კი ასევე ძალიან ლამაზი საჯარიმო დარტყმით გაიტანა.

მიუხედავად სამივე შეხვედრის მოგებისა, არგენტინელთა პრობლემები მაინც თვალსაჩინოა - უამრავი შეცდომა დაცვაში; ნახევარდაცვის ხაზის პერიოდული ჩავარდნები, რაც მეტოქეების (ირანი, ნიგერია) სახიფათო კონტრშეტევებს იწვევს; ფორმაში არ არიან გონსალი იგუინი და სერხიო აგუერო, თანაც ამ უკანასკნელმა, ყველაფერთან ერთად, მორიგი ტრავმა მიიღო.

არგენტინელთა რეალური სახე ძლიერ და დალაგებულ გუნდებთან უფრო გამოჩნდება. 1/8 ფინალში „ალბისელესტეს“ შვეიცარიის საკმაოდ კარგი ნაკრები ელის, რომელიც ხელნაშობსა კრავი მეტოქე ნამდვილად არაა.

ტატო ზაციაძე

მილა იყო - კამერუნელმა ეს რეკორდი 1994 წლის ჩემპიონატზე დაამყარა. ამასთან, მილა ყველაზე ასაკოვანი ფეხბურთელია, ვისაც მსოფლიოს ჩემპიონატზე გოლი გაუტანა (იმავე 1994 წელს, რუსეთის კარში).

იაპონია-კოლუმბიის შეხვედრის შემდეგ კი კამერუნელს მხოლოდ ერთი რეკორდი დარჩა, ყველაზე ხშიერი მოთამაშე კი ცვლილებაზე შესული, 43 წლის მეკარე ფარიდ მონდრაგონი გახდა. ვეტერანმა კარის დარაჯმა დაივიწყა 85-ე წუთზე შეცვალა და შეხვედრის დასრულებამდე ერთი, საკმაოდ რთული ბურთის მოგერიებაც მოახერხა.

კლოზე

მონდრაგონის მიღწევაზე მნიშვნელოვანი, რა თქმა უნდა, მიროსლავ კლოზეს გოლი იყო. ვეტერანმა გერმანელმა მუნდიანობებზე თავისი მე-15 ბურთი გაიტანა და ბრაზილიელ რონალდოს ნამოენია. პელესა და უვე ზეილერის შემდეგ, კლოზე მესამე ფეხბურთელია, რომელმაც გოლის გატანა ოთხ (2002, 2006, 2010, 2014) ჩემპიონატზე შეძლო.



მიროსლავ კლოზეს ერთი ასეთი მაღაყიც სჭირდება

OPEN AIR

მსოფლიო ჩემპიონატის საბულშემატოპივრო სივრცე მთავრინდის პარკში ყინულის მოედანზე

ყველაზე დიდი მონიტორი, ყველაზე მაგარი ლუდი და ყველაზე საფეხბურთო განწყობა თბილისში!



12 ივნისიდან **Brasil** 2014

ბილეთები იყიდება მთავრინდის პარკის სალაროში.

ღირებულება - 10 ლარი.

ფასში გათვალისწინებულია ორმხრივი მგზავრობა ფუნიკულიორით.

 ეისიდ ბრაზილია 2014 – ACID BRAZIL 2014



ტელ: 032 242 0880 / 570 904093

Acid
GROUP



FIFA WORLD CUP
Brasil

სპეციალისტის აზრით...

დავით მუჯირი

დიეგო კოშტა დელ ბოსკას შესაძლოა იყო



ბრაზილიაში მიმდინარე მსოფლიოს ჩემპიონატმა უკვე მოსაკლესა მოქმედი ჩემპიონი ესპანეთი. ჩემოდნებს ალაგებს ინგლისის ნაკრებიც. არ გვაკლია აღმოჩენები, ახალი ტაქტიკური სქემები და თანდათან მძაფრდება ინტრიგა.

ბრაზილიურ ბატალიებზე დავით მუჯირი-უმცროსი გვესაუბრება. პროფესიით ჟურნალისტი, ახლო წარსულში ცნობილი ფეხბურთელი, ვინც უკვე მოსინჯა ძალა სამწვრთნელო ასპარეზზე და ვისაც მუდამ კარგად გამოსდის დიდი საფეხბურთო მოვლენების ანალიზი...

- პირველი შთაბეჭდილებები მხოლოდ და მხოლოდ დადებითია, - ამბობს მუჯირი, - ვნახეთ ბევრი გოლი, მატჩების უმრავლესობა სანახაობრივი იყო. კარგ ხასიათზე ვერაფრით იქნებიან ესპანეთისა და ინგლისის ნაკრებთა გულშემატკივრები... ჩემი აზრით, მომავალში ინტრიგა კიდევ უფრო გამძაფრდება. მეტიც, ნამდვილი ჩემპიონატი, ალბათ, სწორედ ახლა იწყება. ავიღოთ თუნდაც ჯგუფური ეტაპის ბოლო მატჩები ან პლეი-ოფი. ამას რომ ვამბობ, არც ის მაინც ედება, რომ ვნახეთ რამდენიმე არაფრისმომცემი მატჩიც, როგორც სანახაობის, ისე ტაქტიკური ბრძოლის თვალსაზრისით, მაგრამ ესეც გარდაუვალია, როცა ამხელა საფეხბურთო ფორუმთან გვაქვს საქმე.

- რა საერთო ტენდენციით ხასიათდება ბრაზილიური მუნდიალი?

- თვალშისაცემია სამხრეთამერიკული გუნდების კარგი თამაში. ამ ეტაპზე, მხოლოდ ეკვადორის საქმეა ცუდად. ბრაზილიისგან პირადად მე მეტს ველი, მაგრამ

გუნდი მაინც მიიწევს წინ. არგენტინამაც ცოტა მძიმედ დაიწყო, მაგრამ ორივე ეს ნაკრები მაინც ფავორიტია ჩემთვის. კოლუმბია უკვე გავიდა მერვედფინალში, რაც წარმატებაა ამ ახალგაზრდული გუნდისთვის. ჩილემ რაც ჰქნა, ყველამ ვნახეთ. ურუგვაის ჰყავს სუარესი. ტაქტიკურ ნიუანსებს ამ კითხვაში არ ჩაეფურმავდება.

- სწორედ ტაქტიკაზე უნდა გკითხოთ. მსოფლიოს ჩემპიონ

ამ ფრთხილ თამაშებშიც კი, გოლები მაინც გადის და ეს კარგია - ნეიტრალური ქომაგისთვის ფეხბურთში მთავარი ხომ გოლია.

- ფაქტია, რომ თვით გამოკვეთილი აუტსაიდერებიც კი ერიდებიან მთელი შეხვედრის საკუთარ ნახევარზე გატარებას. არადა, თუნდაც წინა მუნდიალზე ასე არ იყო...

- სწორად შეგინიშნავთ. ეს მართლაც ასეა. გვექონდა მხოლოდ რამდენიმე გამონაკლისი. ბოლო იყო საბერძნეთის ნაკრები

- ცალკე უნდა გკითხოთ ესპანეთისა და ინგლისის ნაკრებების ფიასკოზე. რისი ბრალი იყო ეს?

- ურემი რომ გადაბრუნდება, გზა მერე გამორჩდება ხოლმე. ჩემი მხრიდან, ამხელა მწვრთნელების გაკრიტიკება არ მგონია მართებული. მხოლოდ საკუთარ აზრს გამოვთქვამ. ესპანეთის ნაკრების მთავარმა მწვრთნელმა ვისენტე დელ ბოსკემ აქცენტი გააკეთა დიეგო კოშტაზე. ის კარგი თავდამსხმელია, მაგრამ აშკარად არაა ფორმაში. ეს არცაა გასაკვირი, რადგან სეზონის ბოლოს მას მუდამ თან სდევდა ტრავმები და ჩემპიონთა ლიგის ფინალშიც მხოლოდ ხუთი წუთი ითამაშა. ჩემი აზრით, უმჯობესი იქნებოდა, დელ ბოსკე სხვა ფორვარდს დაყრდნობოდა ან გამოკვეთილი თავდამსხმელის გარეშე ეთამაშა, რაც დიდ ტურნირებზე უცხო სულაც არ არის ესპანეთის ნაკრებისთვის. აქვე უნდა ვთქვა, რომ „ფურია როხას“ კალენდარში არ გაუმართლა - დაიწყო ჰოლანდიასთან და გააგრძელა ჩილეთი. ავსტრალია რომ ჰყოლოდა ორიდან ერთ მეტოქედ, საქმე სხვანაირად იქნებოდა, თუმცა ეს თავის გასამართლებელი მიზეზი არ არის. ინგლისმა ნორმალურად დაიწყო იტალიასთან, მაგრამ დამარცხდა. მერე კი ლუის სუარესმა პირადად მოიგო ის თამაში. არ დავებოდა, მეტს ველოდი ინგლისის ნაკრებისგან. პოზიტივად მხოლოდ ის თუ აღიქმება, რომ რამდენიმე ახალგაზრდა ფეხბურთელი გამოჩნდა. მაგალითად, როს ბარკლი. ინგლისელებმა ვერ გამოიყენეს მათი მთავარი კოზირი - ფლანგები. იყო პრობლემები დაცვაში.

- ტურნირის აღმოჩენად ამ ეტაპზე რომელ ნაკრებებს მიიჩნევთ?

- მხოლოდ ორს დავასახელებ.



ვისენტე დელ ბოსკე და დიეგო კოშტა

ნატზე ყველაზე კარგად ჩანს, საით მივდივართ ამ კუთხით...

- ჩემი აზრით, არ არის ერთი გამოკვეთილი სქემა, რომელიც დომინანტია ამ ტურნირზე. ყველაზე ხშირად გვხვდება 4-3-3, ასევე 4-4-2 ტაქტიკური განლაგებები. ერთი რამ თვალსაჩინოა: ძალიან ბევრი მწვრთნელი ტაქტიკურ სქემას მეტოქის გათვალისწინებით ირჩევს. ერთიც - ჯგუფური ეტაპის პირველ ორ ტურში ბევრი გუნდის მწვრთნელი ძალიან ფრთხილობდა სათამაშო სტრატეგიის არჩევისას, თუმცა,

იაპონიასთან. ბერძნები საერთოდ ასე თამაშობენ, თუმცა მათთვის კაცი რომ არ გაეგდოთ, შეიძლება, სხვა სცენარი ყოფილიყო. ყველაზე მეტად, რუსეთის ნაკრების ცუდმა თამაშმა გამაკვირვა. ყველამ ვიცით ფაბიო კაპელოს სტილი, მაგრამ ამ გუნდისგან მაინც მეტს ველოდი. ახლოს ვიცნობ რუსეთის ნაკრების ფეხბურთელთა უმრავლესობას და ვიცი, რომ მათ მეტი შეუძლიათ. თანაც, კაპელოს გუნდს, კორეის სახით, ნამდვილად არ ჰყოლია უძლიერესი მონინალმდეგე.



კოსტა რიკამ იტალიას რუისის გოლით მოუგო

პირველი ჩილეა. ამ გუნდის ორივე თამაშმა ძალიან კარგი შთაბეჭდილება მოახდინა ჩემზე. ძლიერი გუნდია, უზომოდ დისციპლინირებული, ეტყობა კარგი მწვრთნელის ხელი და ტრი-

ბუნებს რომ ვუყურებ, მგონია, შინ თამაშობს. რაც კოსტა რიკამ ჰქნა, ეს ნამდვილი სასწაულია. ამას მართლა ვერავინ წარმოიდგენდა. ჩემი კომპლიმენტები ამ გუნდს.

- მსაჯობა როგორია?

- ბოლო მატჩებში აშკარად უკეთესია, ვიდრე თავიდან, მაგრამ ჯობია, ორივემ სამჯერ დავაკაკუნოთ ხეზე - მთავარი მატჩები ხომ ჯერ კიდევ წინაა (იციანის).

- ფეხბურთში პროგნოზების გაკეთება უმადური საქმეა, მაგრამ მაინც უნდა გთხოვოთ ფავორიტების დასახელება...

- ჯერჯერობით, ყველაზე კარგი გერმანიაა (ინტერვიუ განასთან მატჩამდეა ჩანერილი - რედ). უნაკლო ფეხბურთი - მოკლედ ასე დავახასიათებდი მათ გარჯას. ეს იმის მიუხედავად, რომ პორტუგალია მოსალოდნელზე სუსტად გამოიყურებოდა. ბრაზილია და არგენტინა, როგორც უნდა თამაშობდნენ ისინი წინასწარ ეტაპზე, ჩემთვის მუდმივი ფავორიტები არიან. გამორჩეულთა კატეგორიას მივაკუთვნებ ასევე იტალიის ნაკრებს, მაგრამ აშკარად ჩაუვარდა შეხვედრა კოსტა-რიკასთან.

- ყველაზე მეტად რომელი ეპიზოდები დამამახსოვრდათ აქამდე მომხდართაგან?

- რობინ ვან პერსის გოლი და ლუის სუარესი ინგლისთან მატჩში. ურუგვაელი უბრალოდ შეუდარებელი იყო.

ალეკო კაპაშვილი

მე თმს "ჭეჯლოანიში" გაცაჯინებოვ





FIFA WORLD CUP
Brasil

ბრაზილი

მსოფლიოს ჩემპიონატი.



2014



12 ივნისი-13 ივლისი





FIFA WORLD CUP
Brasil

ბრაზილი

მსოფლიოს ჩემპიონატი.



თა 2014

12 ივნისი-13 ივლისი





FIFA WORLD CUP
Brasil

ბრაზილი

მსოფლიოს ჩემპიონატი.



სტივენ ჯერარდი

ფიასკოს



დ
ცვლ

ინგლისის ნაკრებმა მსოფლიოს ჩემპიონატზე უდიდესი სირცხვილი ჭამა. სხვას ვერაფერს ვუწოდებთ, როცა სამხრეთ ამერიკაში ტრადიციულად დიდი ამბიციებით გამგზავრებულმა გუნდმა, პირველად 56 წლის განმავლობაში, მუნდიალზე ჯგუფური ეტაპი კი ვერ დაძლია. „სამმა ლომმა“ პირველი ორი მატჩის შემდეგ შეწყვიტა ბრძოლა და თანაც ისე, რომ რეალურად ეს ბრძოლა არც დაუწყია.

ინგლისის ნაკრებს ამ ზაფხულს დიდი ცვლილებები ელის. „დეილი მელი“ ჯერ კიდევ ჩემპიონატის დაწყებამდე ორი კვირით ადრე წერდა, რომ მიუხედავად შედეგებისა, ტურნირის დასრულების შემდეგ ეროვნულ გუნდს გამოეთხოვებოდნენ სუპერგარსკვლავები - **სტივენ ჯერარდი** და **ფრენკ ლემპარდი**, ფეხბურთელები, ვისთანაც ასოცირდებოდა კუნძულებთან ნაკრები უკანასკნელი 15 წლის განმავლობაში.

„ამ ეტაპზე გადანყვებილების მიღების არც დროა და არც ადგილი. კოსტა-რიკასთან მატჩის შემდეგ ლონდონში დავბრუნდები და ამ თემაზე ფიქრს მხოლოდ ამის მერე დავიწყებ. ჯერ კიდევ ბევრი რამ მაქვს ასანონ-დასანონი“, - ამბობს ჩელსის 35 წლის ლეგენდა.

ანალოგიურ პოზიციაზეა სტივენ ჯერარდიც, ვისაც რიო დე ჟა-

ნიროში გამართულ ერთ-ერთ პრესკონფერენციაზე დაუსვეს კითხვა მის მომავალზე:

„ჩემს სანაკრებო პერსპექტივაზე გაზეთებში უამრავი რამ დაინერა, თუმცა არცერთი მათგანი სიმართლეს არ შეესაბამება. დღეს და ხვალ ამ თემაზე განმარტებებს ნუ მომთხოვთ, რადგან საბოლოო გადაწყვეტილებისთვის დრო მჭირდება. რამდენიმე დღის წინ როი ჰოჯსონს უკვე ველაპარაკე და ვთხოვე, მსოფლიოს

ჩემპიონატის შემდეგ გადაეწყვიტა, ვჭირდებოდა თუ არა სამომავლოდაც. მოვლენათა დაჩქარებას არ ვგეგმავ, რადგან არ ვარ დარწმუნებული, რომ ახლა ამისთვის შესაფერისი გარემოა. სამშობლოში დაბრუნების შემდეგ შევხულებამი გასვლასა და გეგმების ჩამოყალიბებას ვაპირებ. გარკვეული პაუზის შემდეგ ამ ყველაფერზე მე და ჩემი მენეჯერი კიდევ ერთხელ დავილაპარაკებთ. იქამდე კი იმ ადამიანების მოსმენა მინდა, ვისი აზრიც ჩემთვის ძალიან მნიშვნელოვანია. ამ ეტაპზე ინგლისის ნაკრების ფეხბურთელობა ძალიან რთულია, რადგან თითოეული ჩვენგანი იმედგაცრუებულია - მთლიანად გუნდიდან და საკუთარი თავიდანაც. მინდა, გულშემატკივრებს მადლობა გადავუხადო იმ მხარდაჭერისთვის, რომელსაც საკვალიფიკაციო ეტაპიდან მოყოლებული

ვგრძნობდით. ნარუმატებლობების გამო, ფეხბურთელები სრულ პასუხისმგებლობას საკუთარ თავზე ვიღებთ. შესაძლოა, არსებობდეს ვინმე, ვისთვისაც უფრო კომფორტულია გარშემომყოფთა დადანაშაულება, თუმცა მე, როგორც გუნდის კაპიტანი და ლიდერი, ვაცხადებ, რომ პასუხისმგებლობას არსად გავუბრუნებ. არავის მივცემთ უფლებას, რომ ჩვენი მწვრთნელის ან მისი შტაბის წევრებისკენ გაიშვიროს

ხელი. რეალობა მძიმე აღსაქმელია, მაგრამ სამომავლოდ წინსვლა აუცილებელია“.

პატრიოტიზმის კრიზისი

BBC-ის რადიოთერში „ქუინზ პარკის“ დღევანდელმა და „ტოტენჰემის“ ყოფილმა მწვრთნელმა **ჰარი რედნაპმა** სკანდალური განცხადება გააკეთა. გაცნობით თუ არა ავტორიტეტული სპეცია-



შედეგ

რიდი რილეზი ბის ზღვარზე



უეინ რუნის მძიმე ყოფა

ლისტის სიტყვებს, დარწმუნებული ვართ, უმაღლეს დარწმუნებებით, რომ ჩვენი შეფასება გადაჭარბებული არ არის. რედნაპის თქმით, მას არა ერთხელ და ორჯერ ჰქონია შემთხვევა, როცა მის ფეხბურთელებს, უბრალოდ, ეზარებოდათ ეროვნულ ნაკრებში წასვლა. აი, რას ამბობს 67 წლის მწვრთნელი:

„ტოტენჰემში“ მუშაობისას, როცა კი სანაკრებო თამაშები ახლოვდებოდა, აუცილებლად გა-

მოჩნდებოდა ხოლმე ისეთი მოთამაშე, რომელსაც შეკრებაზე წასვლა და თამაშის პერსპექტივა აღიზიანებდა. ისინი მოდიოდნენ ჩემთან ათი დღით ადრე და მეხვეწებოდნენ - ჰარი, გვიშველე რამე, რომ ნაკრების თამაშებს თავი ავარიდოთო. მე ყოველთვის ვპასუხობდი, რომ ამას არასოდეს ვიზამდი და ისინი ვალდებულნი იყვნენ, სამშობლოს ღირსება დაეცვათ. ფეხბურთელები უარის მიზეზს იოლად პოულობდნენ, მა-

გალითად იმას, რომ მეგობარ გოგონას უნდა ემშობიარა და მას განსაკუთრებული ყურადღება სჭირდებოდა. ზოგი ყველაფერს გულწრფელადაც კი მეუბნებოდა. მათი პოზიცია მუდამ მარცხდება. სიმართლე გითხრათ, მგონია, რომ მომავალში კიდევ უარესს უნდა ველოდოთ. ინგლისში ფეხბურთელებს ფანტასტიკურ ხელფასებს უზღიან, ისინი თამაშობენ ჩემპიონთა ლიგაში და ვერ ხვდებიან, რაში სჭირდებათ დამატებითი თავის ტკივილი. არადა, ღირსეული შემადგენლობა გვყავს, რომელიც ერთი კვალიფიციური მწვრთნელისგან მეორის ხელში გადადის, თუმცა შედეგი არა და არ ჩანს“.

კაპიტანი ზვარებს ითხოვს

„ტოტენჰემის“ ყოფილი მოთამაშეების ჩამოთვლა, რომელთაც რედნაპის ნათქვამი შეიძლება შეეხოთ, საკმაოდ ვრცელია და მათ ჩამოთვლას არ დავეწყებთ. ბრაზილიაში მყოფმა ინგლისელმა ჟურნალისტებმა ჯერარდისა და ჰოჯსონისგან რედნაპის სიტყვების კომენტარი მოითხოვეს. ერთმაც და მეორემაც კატეგორიულად გამორიცხა, რომ ინგლისის ნაკრების ამჟამინდელ შემადგენლობაში ასეთი ფეხბურთელები ირიცხებოდნენ. ჰოჯსონი ამბობს:

„როცა მსგავს განცხადებას

აკეთებ, მაშინ მეტი დამაჯერებლობისთვის კონკრეტული ფეხბურთელების ვინაობაც უნდა დაასახელო. შემიძლია ჩამოგივლოთ მოთამაშეები, რომელთაც მართლა შეიძლებოდა ჰქონოდათ ნაკრებში თამაშზე უარის საპატიო მიზეზი, მაგრამ ახლა ჩვენთან არიან. ჩემი აზრით, უსამართლობაა, როცა რაღაც ცუდი ხდება და ამაზე ლაპარაკს თვეების კი არა, წლების მერე იწყებ. უკვე ორი წელია ეროვნული გუნდის თავკაცი ვარ და მხოლოდ მოტივირებულ ფეხბურთელებს ვხედავ. ამიტომაც ვაცხადებ, რომ რედნაპის სიტყვებმა გულწრფელად გამაოცა“.

„სიტყვები სიტყვებია... ისინი, ვისაც ნაკრებში თამაში არ სურდა... და კონკრეტულად ვინ უნდა ვიფიქსირებოდა? დაგვისახელოთ გვარები, რადგან წარმოდგენა არ მაქვს, ვის შეიძლება გულისხმობდეს მისტერ რედნაპი. ეს ხუთი წლის წინ ხდებოდა? ათის? თუკი ეს სიმართლეა, მაშინ გულისამრევია. მე ამჟამინდელ გუნდზე შემიძლია ვთქვა, რომ მსგავსი დამოკიდებულება გამორიცხებულია, რადგან ჩემს არც ერთ თანაგუნდელს შინ დროზე ადრე დაბრუნება არ სურდა. შემიძლია გითხრათ, რომ ველაპარაკე ერთ-ერთ ყოფილ ტოტენჰემელს, ვინც რედნაპის სიტყვების გამო თავს შეურაცხყოფილად გრძნობს“.

ლევან ბიბილაშვილი



როი ჰოჯსონი



ბრაზილია

წინა რიგში (მარცხნიდან): ოსკარი, დანი ალვოზი, ნეიმარი, პაულინიო, მარსელო, ჰალკი;
უკანა რიგში: დავიდ ლუიზი, ჟულიო სეზარი, ფრადი, ტიაგო სილვა, ლუის გუსტავო.



BRAZIL



FIFA WORLD CUP
Brasil

ბრაზილი

მსოფლიოს ჩემპიონატი.



კობა ჟორჟიკაშვილი

კობა ჟორჟიკაშვილი დელ ბოსკე არ არის მწვრთნელი ახალი იდეებით!

- ესპანეთის ნაკრების მოსალოდნელ ფიასკოს ვერ კიდევ მსოფლიოს ჩემპიონატის დაწყებამდე ვპროგნოზირებდი. პატარა საიდუმლოსაც გაგიმხელთ - მოვიგე სანაძლეო, ორი ბოთლი ლუდი (იციანის). არავის სჯეროდა, როცა ვამბობდი - ესპანეთი ჯგუფში ჩარჩება-მეთქი.

- რა გაძლევდათ ასეთი თამამი პროგნოზის გაკეთების საფუძველს?

- ჩემთვის ესპანეთი მუნდიალის მთავარი იმედგაცრუებაა. ამიტომ ვსაუბრობ მასზე და არა იტალიაზე - ეს ხომ ერთი ეპოქის დასასრულია. ამის მიუხედავად, მართლა ველოდი მოვლენათა ასეთ განვითარებას. შევეცდები, თანმიმდევრობით ავხსნა. 1) ესპანეთმა მოიგო ყველა შესაძლო ტიტული. დაიკარგა მოტივაცია, რომლის გარეშეც დღეს დიდ წარმატებას ვერ მიაღწევ. ადამიანის ბუნებაა: როცა შოულობ დიდ ფულს, როცა იგებ ყველაფერს, რაღაც მომენტში გწყინდება ჯოჯოხეთური შრომა. გინდა დაისვენო, გაერთო, ის ფული



მუნდიალის მთავარი იმედგაცრუება:

ესპანეთი თუ იტალია?

ბრაზილიური მუნდიალი ლოგიკას არ ცნობს.

ფაქტია: ჯგუფური ბარიერი ვერ დაძლიეს ევროპის გასული ჩემპიონატის გამარჯვებულმა და ფინალისტმა - ესპანეთმა და იტალიამ.

პლეი-ოფის სტადიაზე ვერ გააღწია ერთ-ერთმა მუდმივმა ფავორიტმა ინგლისმა...

მაინც, რომელი ნაკრები შეგვიძლია შევრაცხოთ ბრაზილიის მსოფლიოს ჩემპიონატის მთავარ იმედგაცრუებად? ჩვენი რუბრიკის სტუმრები არიან ქართველი მწვრთნელები - კობა ჟორჟიკაშვილი და გელა სანაია.



გელა სანაია

დახარჯო, რომელიც შრომით იშოვე; 2) მომქანცველი სეზონი. „რელმა“ მოიგო ლიგა, „ატლენტიკო“ იყო ფინალში. სეზონი 25 მაისს დაასრულეს. ფაქტობრივად, არც დაუსვენიათ, ისე ჩაებნენ დიდ ტურნირში; 3) დიეგო კოშტამ ვერ გაამართლა. ბრაზილიაში ბრაზილიელის თამაში სხვა ნაკრებში, ეს ხომ პრაქტიკულად წარმოუდგენელია?! კოშტამ ვერ გაუძლო უდიდეს წნეხს; 4) მწვრთნელი. ვისენტე დელ ბოსკე არ არის ახალი იდეების მატარებელი სპეციალისტი. მან, ისევე, როგორც ლუიშ ფელიპე სკოლარიმ, იცის, როგორ ათამაშოს ვარსკვლავური გუნდი, მაგრამ არ იცის, როგორ შექმნას ის. დელ ბოსკეს არაფერი გამოუფონია. მან მოახდინა იოჰან კრუიფის იდეების გადატანა მინდორზე და ზუსტად გადაიტანა „ბარსელონას“ სათამაშო სტილი, რომელიც ასევე კრუიფისაა და მოდერნიზებულია ხოსეპ გვარდიოლას მიერ. სანამ ფეხბურთელები მოტივაციას დაკარგავდნენ, ეს ამართლებდა. როცა დელ ბოსკეს რაღაც ახალი უნდა ეთქვა, მან ვერაფერი თქვა. მისი პირადი შეცდომა იყო დიეგო კოშტა. ამას სჯობდა, არ გადაეხვია ნაცადი გზისთვის და კვლავ გამოკვეთილი ფორვარდის გარეშე ეთამაშებინა გუნდი.

- მოტივაციაზე თქვით. მართლაც რთულია, ამდენი გამარჯვების შემდეგ ძველებურად ანთებული გახვიდე მინდორზე...



- რთული კი არა, ურთულესია, მაგრამ, როცა მსოფლიოს ჩემპიონატზე თამაშობ შენი ქვეყნის სახელით, ეს უნდა შეძლო. დიეგო მარადონაზე ნავიკითხე ნიგნი. მორჩა 1986 წლის მუნდიალი და შედის მარადონა გასახდელში. არის დიდი ზეიმი. დიეგო კი პირდაპირ ეკითხება მწვრთნელს - ეს ჩემპიონატი კი მოვიგეთ, მაგრამ ახლა რა ვქნათ? ამიტომ იყო ის უდიდესი ფეხბურთელი. ზუსტად არ ვიცი, მაგრამ ეს კითხვა - „ახლა რა ვქნათ?“ - თავის დროზე, ალბათ, არანაკლები სიმძაფრით დაისვა ესპანეთის ნაკრების გასახდელში. ვეჭვობ, დელ ბოსკემ ამ კითხვაზე დამაჯერებელი პასუხი ვერ მონახა. და ერთიც - მწვრთნელმა ხანდახან უნდა გარისკო, სიახლე შეიტანო გუნდში. ნებისმიერი, თუნდაც ბრწყინვალე შემსრულებლებით დაკომპლექტებული გუნდი იბადება, იზრდება და კვდება. მას „ახალი სისხლი“ უნდა გადაესხა ესპანეთისთვის, მაგრამ ეს ვერ შეძლო, გადამწყვეტ მომენტში რისკს მოერიდა.

- „ახალ სისხლში“ რომელ ფეხბურთელებს გულისხმობთ?

- მეტი უნდა ეთამაშათ კოკეს, ხუანფრანს... ორივე ამ ფეხბურთელს შესანიშნავი სეზონი ჰქონდა. მუნდიალზე უნდა ყოფილიყვნენ ნეგრედო და ლორენტე. მათ შეეძლოთ, ესპანელთა თავდასხმა უკეთესი გაეხადათ. რაც შეეხება ხესუს ნავასს, მისი სახლში დატოვება უდიდეს, საბედისწერო შეცდომად მიმაჩნია. ნავასი ამ ნაკრებში ერთადერთი განსხვავებული სტილის ფეხბურთელია. ის უსწრაფესია ფლანგზე და თავისუფალ სივრცეებს ქმნის მჭიდრო დაცვის ფონზეც კი. ნავასი ესპანეთის ნაკრებს ძალიან გამოადგებოდა. დელ ბოსკეს გუნდი გაიმიფრა. ვან გაალმა მას გრძელი პასებით მოუგო. ყველამ ისწავლა ესპანეთთან თამაში. გაძნელდა ჩაკეტილი დაცვის გარღვევა. ჩავი დაბერდა, ესპანეთს კი მესი არ ჰყავს.


- „ფურია როხას“ თუ აქვს მომავალი?

- რა თქმა უნდა, ოლონდ, ისეთი მწვრთნელის ხელში, ვინც ნოვაციებს არ მოერიდება. ესპანეთს შესანიშნავი ახალი თაობა ჰყავს,

რომელსაც იდეებით სავსე, პროგრესირებადი მწვრთნელი სჭირდება.

- სხვა გუნდებზე რას იტყვით?

- ორი სიტყვით შევეხები ინგლისის ნაკრების ფიასკოს. პრემიერლიგა ერთ-ერთი საუკეთესოა ევროპაში, ნაკრები კი რა დღეშია, ყველა ვხედავთ. ეს იმიტომ, რომ ინგლისის ჩემპიონატის ყველა



გუნდში საკვანძო პოზიციაზე ლეგიონერები არიან. არის მეორე მიზეზიც - ინგლისის ნაკრებმა უარყო ის ფეხბურთი, რაც სისხლში აქვს: სწრაფი პასი ფლანგზე, ჩანოღება და საჯარიმოში ან დასწრებაზე, ან თავით თამაში. ამასთან, მათ ვერც კონტინენტური ფეხბურთი ისწავლეს. არ ვიცი, მეთანხმებით თუ არა, მაგრამ ასეთი ინგლისის ნაკრები საცოდავი სანახავია.

ბელა სანია ბალოტელი ვერ გააჟაბოდა!

- იტალიის ნაკრების გამოთმევას ასეთ ადრეულ სტადიაზე არ ველოდი. ჩვენს ქვეყანაში „სკუადრა აძურას“ უამრავი გულშემატკივა-

დიდი ვნებათაღელვა იყო იტალიელთა სათადარიგო სკამზეც...

- მსაჯი ძალიან ახლოს იყო იმ ეპიზოდთან. ის ყველაფერს შესანიშნავად ხედავდა. პირადად ჩემი სუბიექტური აზრია, რომ მარკინოს შემთხვევაში მან ზედმეტი სიმკაცრე გამოიჩინა. შეეძლო, არ გაეძევებინა ფეხბურთელი, თუმცა იტალიის ნაკრები ნაგებას ამ ეპიზოდს ვერ დააბრალებს. ელემენტარულად, ასეთ მატჩში ერთი რეალური საგოლე მომენტი მაინც უნდა შექმნა და ერთხელ მაინც ხეირიანად უნდა დაარტყა კარში.

- ფაქტია, ჩეზარე პრანდელის არჩეულმა ტაქტიკამ ვერ გაამართლა...

- პრანდელი რისკიანი კაცია. ის ძალიან ხშირად ცვლის სათამაშო სქემას. აგერ, ურუგვაისაც გადამწყვეტ შეხვედრაში ორი ფორვარდით შეუტია, მაგრამ შედეგი ვერ მიიღო და როცა იტალია რჩება ჯგუფში, დამნაშავე ყოველთვის მთავარი მწვრთნელია. არ მესმის, რატომ ჰყავდა იტალიას ასეთი სუსტი ფლანგები. ვგულისხმობ ძირითადად დაცვის ფლანგებს. რატომ იყო ასეთი უგერგილო თავდასხმა? ამ ყველაფერზე პრანდელიმ უნდა ისაუბროს.

- მარიო ბალოტელიზე რას იტყვით?

- ბალოტელიმ ამკარად ჩააგდო ეს ჩემპიონატი. მისი ნიჭის ფეხბურთელს მეტი რომ მოეთხოვება, ამაზე ორი აზრი არ არსებობს. იტალიიდან მხოლოდ ვერატიმ მოახდინა ჩემზე დიდი შთაბეჭდილება. უმაღლესი კლასის ფეხბურთელია პირლო, მაგრამ მე მასზე საკუთარი აზრი მაქვს.

- რას გულისხმობთ?

- პირლო თავის პოზიციაზე საუკეთესო თუ არა, ერთ-ერთი საუკეთესო მაინც არის მსოფლიოში. რაც შეეხება ამ ჩემპიონატს, იტალიის ნაკრები ზედმეტად იყო პირლოზე დამოკიდებული და ამან, კონკრეტულ ეპიზოდებში, დათურის სამსახური გაუწია კიდევ „სკუადრა აძურას“. გამოთიშე თამაშიდან პირლო და იტალია ხდება ნული! - ეს მარტივი ქმმარიტება კოსტა-რიკამ და ურუგვაიმ სათავესოდ გამოიყენეს.

ალეკო ჰაპაპურიძე

რი ჰყავს. მინდა ვუთანაგრძნო მათ.

- და „სკუადრა აძურას“ კრახი კანონზომიერად მიგაჩნია?

- მთლიანობაში თუ ავიღებთ, კანონზომიერი მგონია. გავიხსენოთ იტალიელთა განვლილი გზა ამ მუნდიალზე. პირველი - კარგი მატჩი ინგლისთან და მეორე - ორი უსახური თამაში.

- ცხადია, იტალიის ნაკრების ქომაგი ხელს არბიტრისკენ გაიშვრეს, ვინც აპენინელები კაცნაკულულნი დატოვა. ამ ეპიზოდში



FIFA WORLD CUP
Brasil

ბრაზილი

მსოფლიოს ჩემპიონატი.

მე გიშვებდი, შვილო!

გულჩვილი ჯალათის დასტაქარი, რომელმაც სასწაული მოახდინა

ლუის სუარესი - ინგლისელი დედეები შვილებს ახლა მისი ხსენებით აშინებენ. „ლივერპულის“ ვარსკვლავმა ორი გოლით პირადად მოკლა ინგლისური ოცნება ბრაზილიაში და ოთხი წლით გაუხანგრძლივა ფეხბურთზე შემოკლებულ ფეხბურთის სამშობლოს მტანჯველი მოლოდინი, რომელიც ვერაფრით დასრულდა 1966 წლის შემდეგ...

რომ არა სუარესი, რომი ჰოჯსონის გუნდი, დიდი ალბათობით, არ ნააგებდა ფინალისდარმატჩს ურუგვაისთან და კოსტარიკელებთან გადამწყვეტი შეხვედრის წინ ჯგუფური ბარიერის დაძლევის შანსს შეინარჩუნებდა.

ბედისწერამ და სუარესმა ინგლისის ერთად დასცინეს: ჯერ პირველი ტაიმის დასრულებამდე ხუთი წუთით ადრე, მერე კი 85-ე წუთზე - „ჯალათმა“ არ დაინდო აჭრილი და უფანტაზიო ინგლისი. არ დაინდო, გაიხარა და წამსვე სათადარიგოთა სკამზე მყოფ მავან ჭარმაგ კაცს მივარდა, ჩაეხუტა და ყველას ხელით მიუთითა მასზე.

ამ ისტორიას, ოლონდ სხვის დაწერილს, ალბათ, ინგლისშიც წაიკითხავენ. მერე ლუის სუარესი აღარ იქნება მხოლოდ ჯალათი. ვინძლო, ნისლიანი ალბონის შვილებმა მას „გულჩვილი ჯალათი“ უწოდონ.

ყველაფერი კი დაიწყო მაშინ, როცა ურუგვაის მთავარმა იმედმა ჯერ პრემიერლიგის მიწურულს მიიღო მუხლის ტრავმა, მერე კი ვარჯიშისას გაიღიზიანა. „სუარესი მუნდიალს გამოტოვებს“, - დაარისხეს ზარები ურუგვაულმა ტელეარხებმა. ქომაგი დაიშოკა და ბოლო იმედს ჩაეჭიდა.

გავიდა რამდენიმე დღე. „ლუისის ოპერაცია სჭირდება“, - გამოჩნდა ახალი ინფორმაცია. ეს იყო მუხლზე მსუბუქი ქირურგიული ჩარევა. როგორც წესი, ამის შემდეგ ფეხბურთელს 4-6 კვირა სჭირდება რეაბილიტაციისთვის...

კლინიკასთან ზღვა ხალხია. გვითხარით რამე, ჩვენ ოჯახები მივატოვეთ ამ ბიჭის გამო - წამდაუნუნე ესმით ურუგვაის



აი, ის დასტაქარიც...

ნაკრების საექიმო შტაბის წარმომადგენლებს, ნერვიულად რომ დააბიჯებენ საავადმყოფოს ფოიესა თუ მის მიმდებარე ტერიტორიაზე.

„გადაჭრით ვერ გეტყვით, მაგრამ შანსი არის“, - ამბობენ დასტაქრები და ბოლომდე თავადაც არ სჯერათ, რომ ეს სასწაული მოხდება.

გადის ერთი საათი, ორი, სამი... მტანჯველ მოლოდინს ბოლო მოეღო. ლუის სუარესი, ვერცხლისფერ ეტლში ჩასვენებული, ხალხს ესალმება. მის თვალეში სასონარკვეთას ამოიკითხავეთ.

ეს ხდება 22 მაისს... გათენდა 23 მაისი. ლუისი ურუგვაის ნაკრების ფიზიოთერაპევტ ვალტერ ფერეირას შეხვდა. ეს შეხვედრა ალბათ ყველაზე ბედნიერი იყო მის ცხოვრებაში.

ფერეირა ნაკრებისთვის შინაური კაცია. არიან ადამიანები, წლების განმავლობაში ჩუმად რომ აკეთებენ თავიანთ საქმეს - მნიშვნელოვან საქმეს, რომელსაც სხვა ვერ გააკეთებს. ხშირად ისინი დაუფასებელნი რჩებიან, მაგრამ ამქვეყნიურ ჯილდოებს არად დაგიდევენ - მათი მთავარი ჯილდო საქმის სიყვარულია.

ფერეირაც ასეთი კაცია. მას არაერთხელ გაუმთებლებია ენცო ფრანჩესკოლის, რუბენ სოსას, ალვარო რეკობას, მარსელო სალაიეტასა და დიეგო ფორლანის მუხლები.

„მე გიშვებდი, შვილო, - უთხრა მოხუცმა ბიჭს, - ოლონდ, გჯეროდეს სასწაულის“.

...და უშველა. სუარესმა ინგლისთან იფრინა და კიდევ ბევრჯერ იფრენს. კეთილი მოხუცი კი, ამ სასწაულის შემოქმედი, ახლა ცუდადაა - კიბოს ებრძვის. ბოლო გამოკვლევა ამ ერთი თვის წინ ჩაიტარა.

...დაიხ, იმ გოლის შემდეგ სუარესი სწორედ ვალტერ ფერეირას ჩაეხუტა. სუარესს, ინგლისელთა ბოროტ დემონს... გულიც ჰქონია!

ალეკო კაპაშურიძე




12 ივნისი-13 ივლისი

დიდი მკვანარის ფოტოისტორია

ლუის სუარესს ჯორჯო კიელინი ჯერ კიდევ შარშანდელი კონფედერაციათა თასიდან ჰყოლია მიზანში



და ასლა ბუსრულა



წინა ორი მსხვირალი:
ბრანისლავ ივანოვიჩი და...



...ოტმან ბაკალი





სპეციალურად
ლელო week-ისთვის

ნაფუნურები პატარა ეზოში

ფეხბურთში სულ ასე იყო - დიდი ბიჭები პატარა ეზოებში იბადებოდნენ. ერთი დოკუმენტური ფილმი მახსოვს - ბურთზე და პატარა, მოასფალტებულ თუ მობეტონებულ ეზოზე. ჰო, ასე: კადრში მარტო ბურთი და პატარა, მოასფალტებული თუ მობეტონებული ეზო, კადრსმიღმა - დიქტორის ხმა. ადამიანები თითქმის არ ჩანდნენ. არც იყვნენ საჭირონი - ის ფილმი ხომ ზიზუზე იყო. უბრალო, მაგრამ მაგარ მარსელელ ბიჭზე, იმ ეზოდან და იმ ბურთიდან რომ დაიწყო და ჰეეე, სად მივიდა...

...მე რომ მკითხო, პელემდე და მარადონამდე - აი, ეგრე, ცალსახად. იქამდე მისვლას მარტო მაგრობა არ ჰყოფნის - მსოფლიო ჩემპიონატის ფინალი და საფეხბურთო სამყაროსთვის სულ მაღლიდან გადმოხედვა სჭირია. შეძლო. შეძლო კი არა - სულ თვითონ იყო: პრაზილიელებთან ფინალში გატანილი ორი გოლითა და სხვა რამე-რუმეებით.

სტატისტიკას და ფაქტს თავი დავანებოთ: ვერავინ გაიხსენებს

ე, სწორედ მაშინ დაიჯერა ხალხმა, რომ ფეხბურთის ისტორიამ მესამე დიდი „ათიანი“ „ჩაიბარა“ - პელე, მარადონა და ის, ზიდანი... რვა წლის მერეც მაგარი იყო. ხანდახან ვფიქრობ, ის პენალტი ცინიზმმა უფრო დაარტყა, ვიდრე ზიზუმ-მეთქი, მაგრამ, როცა მსოფლიო ჩემპიონატის ფინალში ჯიჯი ბუფონს ასეთ პენალტს ურტყამენ, სხვა რამეზე ფიქრი უფრო გამართებს...

იმაზე, რომ ასეთებს მხოლოდ მაგარი ბიჭები სჩადიან და მაგარი ბიჭების ერთი შტრიხ-კოდი ისიცაა, გააფუჭონ, წაახდინონ, თავისი ადგილი მიუჩინონ მეტოქეს.

იქ, იმ წამში ყველაფერი დაეცია: დუელიანტის სული, სიმაზაცე, ტექნიკა, ფიქრიც და საქმეც. მერე მატერაჯისთან ინციდენტმა ვითომ გააფუჭა ყველაფერი, მაგრამ...

გააფუჭა კი? მე პირიქით მეგონა და სულ პირიქით მეგონება. იმ მომენტში ზნეობა და ღირსება ზიდანის მხარეზე იდგა - იტალიელმა ენა ამუშავა, ფრანგმა - თავი და...

გამოვიდა ისე, როგორც უნდა გამოსულიყო, როგორც გამოდის

ინც იქ გაიზარდა, სადაც საჭირო დროსა და ადგილას სულ ისმის ხოლმე დროში გამოცდილი მოძახილი: „მუშკეტერებო, აქეთ!“

ამიტომ, სულ მგონია, რომ იმ ეპიზოდმა მხოლოდ დაამშვენა, მხოლოდ ფასი შემატა ზინედინ ზიდანის კარიერას.

ან ვინ თქვა, რომ მთავარი გმირი ტრაგიკული ფინალით ვინმეზე უარესია?

კიდევ ერთი რამ: ზინედინ ზიდანი შეძლო და გადაფარა მიშელ პლატინი - მასსავით „არაფრანგული“ ფესვების მქონე, მასსავით „ათიანი“ და საერთოდ, ძნელია, ძალიან ძნელია დიდი ადამიანების ნაკვალევზე სიარული - ფეხბურთში იქნება ეს თუ ნებისმიერ სხვა სფეროში.

დიდი ხის ჩრდილში ამოსული პატარა ყვავილის ისტორიაა ეს - იშვიათად ახერხებენ სამზეოზე გასვლას.

ზიზუმ შეძლო და შეძლო გაცილებით მეტი - მისი თაობის ფეხბურთელებმა საფრანგეთს აჩუქეს ის, რაც ვერც პლატინიმ შეძლო, ვერც კოპამ და ვერც ფონტენმა.

ჰო, რა თქმა უნდა, მარტო არ

დენიც ფაბიენ ბარტეზისა კი არა, ზინედინ ზიდანის თავში იხლართებოდა.

კიდევ ერთი განსაკუთრებული ლობა - მისი ყაიდის ფეხბურთელები კონიაკით არიან: რაც მეტი დრო გადის, ფასი და სიმაგრე ემატებათ. მახსოვს ზიდანი „იუვენტუსში“; ამას წინათ, გააგურულის ინტერვიუ მონაკოელ ზიდანთან ორთაბრძოლის ფოტომაც დაამშვენა, მაგრამ ყველაზე კარგი მაინც „რეალში“ იყო.

აკი, მონათლა კიდევ იმ პერიოდის სამეფო კლუბის სტრატეგია „ზიდანებისა და პავონების“ პოლიტიკად.

და შერჩა „რეალისა“ და ფეხბურთის ისტორიას ფრანსისკო პავონი - როგორც დიდ წიგნში ჩადებული პატარა ბროშურა.

ან რატომ მხოლოდ პავონი? მაშინ ყველანი ზიდანისგან ანარეკლი შუქით არ ანათებდნენ?

მიუხედავად იმისა, რომ იყო რონალდო - სხვებს თავი დავანებოთ.

ამ შემთხვევაში, პოზიციამ, გავლენამ და ფუნქციამ გადაწონა ყველაფერი. სავარაუდოდ,

ზიზუ

უფრო სუსტ და უსუსურ ბრაზილიას, ვიდრე 1998 წლის ფინალში იყო - ამის ბრაზილი თუა, იგონებდნენ და იგონებენ ათას ისტორიას: „კიჭა ფენომენის“ მუცლის სისუსტიდან დაწყებული, ფრანგების „მინაური სიძლიერით“ დამთავრებული.

ხოლმე ზოგადად - საბოლოოდ იმან გაიმარჯვა, ვინც თავი ამუშავა.

ვინც უფრო კაცი იყო. გასაგებია, რომ ახლა, ამ გამოლიბერალურებულ დროში ანაქრონიზმად ყდერს, მაგრამ რა „არაფრანგული“ ფესვების პატრონიც უნდა იყოს, ზიზუ ხომ მა-

ყოფილა - იყვნენ სხვებიც და ფეხბურთი მის დროსაც ცალსახად გუნდური თამაში იყო, მაგრამ ბლანი რომ ბარტეზს საქორჩეზე კოცინდა, გულში უთუოდ ზიზუზე ფიქრობდა:

უბრალო მიზეზის გამო: ყველაფერი, მომხდარიც და მოსახ-

მსოფლიო ფეხბურთს არ ჰყოლია „კიჭაზე“ დიდი მეგოლე, მაგრამ ვერც იმას უარყოფს ვინმე, რომ მსოფლიო ფეხბურთში დღემდე არავის გამოუგონია უფრო მნიშვნელოვანი, გავლენიანი და საჭირო პოზიცია, ვიდრე მეთაე ნომერია.

სულ ასე იქნება - ვერ გამოვა ფეხბურთი „ათიანის“ ხიბლიდან.

კიდევ ერთი საგულისხმო ეპიზოდი: ზინედინ ზიდანი იყო პირველი კაცი, რომელმაც დაამტკიცა, რომ ფეხბურთს პატრიოტიზმი არ თამაშობს. კი, ჰო, დიას, სადღაც რაღაცაში შეიძლება მოგეხმაროს, მაგრამ...

ამიტომ იყო, ფრანსუა მიტერანისა თუ ჟაკ შირაკის „პოლიტფრაზას“ გულმოსულმა რომ უპასუხა - არ ვარ, ბატონო, ეს ფრანგიო და ამით საზი გაუსვა, რომ შორს, ძალიან შორს დგას იმ გარეუბრებისგან, რომელთათვისაც პატრიოტიზმი თავშესაფარია...

ფეხბურთის თამაშს სიყვარული, ცოდნა და ის ნიჭი სჭირდება, რომელსაც ჩვენმა დიდმა „ათიანმა“ „შრომის ნიჭი“ უწოდა.

ეგრე, ლანგარზე არავისთვის არაფერი მიუროთმევიათ - ზიდანისთვისაც კი.

და ვინ იცის, რამდენი ოფლი დაიღვარა იმ პატარა, მოასფალტებულ თუ მობეტონებულ ეზოში, სანამ უბრალო, მაგრამ მაგარ მარსელელ ბიჭს მსოფლიო გაიცინობდა.

რომელმაც იმ პატარა ეზოდან დაიწყო და ჰეეე, სად მივიდა...



ქართული ფეხბურთი და დაუფასებელი

„ვინც წარსულს ივიწყებს, ის მომავალზედაც ხელს იღებს“ - აკაკი წერეთლის ეს სიტყვები დღევანდელ ქართველობასაც ეხება. დაახლოებით ორი თვის წინ, 25 აპრილს, ანდრო ჟორდანიას

გარდაცვალებიდან 40 წელი შესრულდა, უფრო ადრე კი, გასული წლის 29 დეკემბერს - დაბადებიდან 110 წელი, მაგრამ ეს ამბავი არავის გახსენებია...

მემორიალური ღაფის მოლოდინი

...არადა, ლაპარაკია ქართული ფეხბურთის პატრიარქზე. ეს სულაც არ არის გადაჭარბებული შეფასება. ანდრო ჟორდანიას 1922 წლიდან თბილისის სხვადასხვა გუნდში თამაშობდა, 1925 წელს, ახალშექმნილი თბილისის „დინამოს“ პირველ კაპიტანად აირჩიეს, სადაც 1925-28 და 1930-31 წლებში ცენტრალური ნახევარმცველის პოზიციაზე ათამაშებდნენ. სხვადასხვა წლებში გამოდიოდა კიევის „დინამოში“, ივანოვოს „ოსნოვაში“, ამიერკავკასიისა და საბჭოთა კავშირის ნაკრებებში.

კინორეჟისორებთან - ლევან ხოტივარსა და ნიკოლოზ სანიშვილთან ერთად, ჩამოაყალიბა გუნდები ქუთაისში, ლანჩხუთში (კიმ-ი, რომელსაც 1960 წლიდან ეწოდა „გურია“), თბილისის უნივერსიტეტში, 1925 წელს კი - თბილისის „დინამოს“ დაფუძნებაშიც მონაწილეობდა.

ჟორდანიამ მწვრთნელობა 1936 წელს დაიწყო და საყვარელ საქმეს 30 წელი ემსახურა. ერთი ხანობა, ის ივანოვოს „სპარტაკსა“ და „ოსნოვასაც“ ავარჯიშებდა, 1945-47, 1955 და 1959-61 წლებში - თბილისის „დინამოს“. უმუშავია თბილისის „სპარტაკში“, ტყიბულის „მეშახტესა“ და ქუთაისის „ტორპედოში“.

მისი ხელმძღვანელობით „დინამო“ 3-ჯერ (1946, 1947, 1959) გახდა სსრკ-ის ჩემპიონატების ბრინჯაოს პრიზორი, 2-ჯერ (1946, 1960) გავიდა თასის ფინალში, იყო საბჭოთა კავშირის სპორტის დამსახურებული ოსტატი, საქართველოსა და საბჭოთა კავში-



რის დამსახურებული მწვრთნელი. ჟორდანიამ დააყენა დიდ გზაზე გივი ჩოხელი, მიხეილ მესხი, მურთაზ ხურცილავა, სერგო კოტრიკაძე, შოთა იამანიძე, გურამ ცხოვრებოვი, გიორგი სიჭინავა, ვლადიმერ ბარქაია, გურამ პეტრიაშვილი, ზაურ კალოევი...

რომან მიმინოშვილმა ანდრო ჟორდანიას მოგონებებზე დაყრდნობით დაწერა წიგნი - „ფიქრები ქართულ ფეხბურთზე“. წლების შემდეგ, იოჰან კრუიფი, თავის წიგნში, მსგავს მოსაზრებებს ინდივიდუალიზმსა და უნივერსალიზმზე ერთი-ერთზე გაიმეორებს. შეიძლება ითქვას, რომ „ფიქრები ქართულ ფეხბურთზე“ ჩვენი მწვრთნელებისთვის სახელმძღვანელოდ გამოდგება, მაგრამ მის ხელახლა გამოცემაზეც არავინ ზრუნავს.

ანდრო ჟორდანიას 1974 წლის 25 აპრილს თბილისში გარდაიცვალა. „დინამოს“ სანვრთნელი ბაზა დღემდე ამ ლეგენდარული პიროვნების სახელს ატარებს. მაგრამ, მისი სახელი და ქვეყნისთვის გაღებული ღვაწლი გაცილებით მეტ დაფასებასა და სიყვარულს იმსახურებს.

ჟორდანიას პირდაპირი შთამომავალი არ დარჩა და თავისი დის, ნინა ჟორდანიას ვაჟები - ომარ ფა-

ღავა და ბადრი გოგოძე გაზარდა. შოთა ფაღავა, რომელიც ლეგენდარულ მწვრთნელზე გველაპარაკა, ბატონი ომარის ვაჟია:

იტალიელი ვაჭრის შთამომავალი

- როგორც ნოე ჟორდანიას ავტობიოგრაფიულ წიგნში - „ჩემი ცხოვრება“ - წერდა, 1831 წელს ფოთში გემით ჩამოვიდა სამი გენუელი ვაჭარი ძმა, გვარად ჯორდანიები. ჰოდა, ჟორდანიები მათი შთამომავლები ვართო...

- დიდი ნოეს ნათქვამში ეჭვის შეტანის არანაირი საფუძველი არ გამაჩნია.

- მერაბ ჟორდანიას ანდროს ნათესავია?

- დიას, მაგრამ ძალიან ახლო ნათესავიც არ არის. სიმართლე გითხრათ, მერაბი სულ ერთხელ მყავს ნანახი.

- ანდრო ხალხს კი უყვარდა, მაგრამ ხელისუფლება ხელს რატომ უშლიდა?

- „ძაღლის თავიც“ სწორედ აქ არის დამარხული - საქართველოს პირველი, დამოუკიდებელი რესპუბლიკის მეთაური ნოე ჟორდანიას ანდროს ბიძა იყო - მამის ძმა. ამის გამო, პრობლემები სიცოცხლის ბოლომდე არ მოჰკლებია -

განწვალეს, დააპატიმრეს, მერეც ციხეს რამდენჯერმე ბენჯზე გადაურჩა. ბოლომდე მუშაობა არც ერთ კლუბში არ აცადეს. არადა, ყველგან უნიჭიერესი მოთამაშეები აღმოაჩინა. სამწუხაროდ, მამა შარშან გარდაიცვალა და თან ბევრი საინტერესო ისტორია წაიღო. მაგრამ რაღაცები მაინც ვიცი.

- ნოეს ძმისშვილი საქართველოში როგორ დარჩა?

- დედაჩემისთვის, რომელიც შვილივით უყვარდა, ეს ამბავი აქვს მონათხრობი - თურმე, მენსპეკიურ მთავრობასთან ერთად ევროპაში ბათუმიდან უნდა გამგზავრებულიყო. ნოემ თავად წაიყვანა, მაგრამ 16 წლის ბიჭი, თოფით ხელში, თავის დასთან, ნინასთან ერთად გემიდან გამოიპარა. ნოე ეხვეწებოდა, მაგრამ არაფრით ნაჰყვა, საქართველოსთვის არაფერი დამიშავებია და წასასვლელი არაფერი მჭირსო. აქედან დაიწყო კიდეც მისი მარტვილობა. ნოესთან ურთიერთობა აღარ ჰქონდა, მაგრამ საქართველოს „განთლების“ პერიოდი მისთვის მაინც მძიმე აღმოჩნდა.

- როგორც ვიცი, თავად დაოჯახებული არ იყო...

- ოფიციალურად დაოჯახებული არ იყო, მაგრამ ივანოვოში

რომის ნაბანჯი ლი პაპრიარკი

ჰყავდა მეუღლე და ვაჟიშვილი, რომლებიც ომის დროს დაიღუპნენ. შვილებივით კი მამაჩემსა და ბიძაჩემს ზრდიდა. მე კი იმით დამამახსოვრდა, რომ უაღრესად თბილი და მოსიყვარულე ბაბუა იყო.

პატიმრობა და ომი

- როგორც ვიცი, ივანოვოში გადასახლებული იყო. რატომ?

- 1938 თუ 1939 წელს დააკავეს. ზუსტად ვერაფერს გეტყვით.

- დახვრეტას როგორ გადაურჩა?

- ლავრენტი ბერიას ადიუტანტმა და მარჯვენა ხელმა, ბახჩო ქობულოვმა გადაარჩინა.

- ქობულოვი ცნობილი კაცისმკვლეელი იყო და ეს როგორ?!

- საქმე ისაა, რომ ანდროს დის, მათილდას ქმარი იყო ამიერკავკასიის ციხეების უფროსი და მის სახლში ბერია და ბახჩო ხშირად სტუმრობდნენ. მიუხედავად ამისა, რეპრესიებს ისიც ვერ გადაურჩა. როგორც უამრავი ადამიანი, ისიც დახვრიტეს, ქალბატონი მათილდა კი გადაასახლეს. ბახჩო პატივს სცემდა ანდროს და შეეცოდა, თავს მე ნუ დამაჭერინებ, ჯოხია, ნახვიდუო. ანდრო ივანოვოს მანამდეც სტუმრობდა და იქ დასახლდა. მაგრამ 1938 თუ 1939 წელს იქ დაიჭირეს, თუმცა არ გაუსამართლებიათ. ზუსტად არც ვიცი, ციხეში რამდენი წელი იჯდა. ანდრო ჰყვებოდა - ომი რომ არ დაწყებულიყო, ციხეში ამომალპობდნენო.

- ომში როგორ მოხვდა?

- ომმა ციხეში მოუხსნო. თხოვნა დაუწერია - დანაშაულის გამოსყიდვის საშუალება საკუთარი სისხლის ფასად მომეცითო. რა დანაშაული ჰქონდა, მაგრამ რა უნდა ექნა? მისთვის თავის გადარჩენის ერთადერთი გზა ეს იყო. 1941 წლის ბოლოს ციხიდან საჯარო ბატალიონში გადაიყვანეს და მოსკოვისთვის ცნობილ ბრძოლაშიც მონაწილეობდა. იქ თურმე საზარბაზნე ხორცად აქციეს - 400 კაცს 4 თოფი მისცეს და გამოუცხადეს, გერმანელების სანგრებამდე მიალწიეთო. ვინც უკან იხევდა, ზურგიდან „ენკავედეს“ ნაწილები ტყვიამფრქვევებიდან ესროდნენ.

- ბერლინამდე ჩავიდა?

- არა. გამოიარა სტალინგრადის ბრძოლა, 1942 წელს კი კურსკთან ბრძოლაში ნაღმის ნასხლეტი ხელსა და თავში მოხვდა და ხელი გაუფუჭდა. ეს ისტორია ამით არ დასრულებულა - ჰოსპიტალში გადაყვანისას ემელონი დაიბომბა და ფეხებშიც დაიჭრა. ეს ჭრილობები მთელი ცხოვრება აწუხებდა. მართლა სასწაულია - სამართებლის პირზე გაიარა და

გადარჩა. მატარებლით თბილისში ჩამოიყვანეს და ბაქოში გადაჰყავდათ, როცა სიძეს, ბიძინა გორგოძეს მიაწვდინა ხმა. ერთი ბოთლი არყის ფასად თუ როგორ, არ ვიცი, მაგრამ ბიძინამ მისი თბილისში დატოვება მოახერხა. მით უმეტეს, ექიმების ვერდიქტი მაშინვე იყო ცნობილი - სრული გაკომისიავება.

- სიტყვა „დიავოლს“ (ეშმაკი) რატომ ხმარობდა?

- არ ვიცი. სხვათა შორის, გიზო ჟორდანიას ჩვენი ნათესავია და ისიც, სტუდენტებთან, მსგავს სიტყვას მოწონების ნიშნად ხმარობს.

- ანდრო ჩაკეტილი ადამიანი ყოფილა...

- ესეც ცხოვრებისგან იყო. კომუნისტების შიში ცხოვრების ბოლომდე გაჰყვა. ერთ-ერთი მთავარი მიზეზი, „დინამოში“ დიდხანს რომ არ აჩერებდნენ, მის მიმართ კომუნისტების უნდობლობა იყო. მათ და ფაშისტებს ერთად აგინებდა. ერთ ამბავს მოგიყვებით: ომის შემდეგ თბილისის „დინამოს“ პარიზში გაჰყვა. ჩამოვიდა თბილისში და ბებიჩემს უკითხავს - იქ ჩვენს ნათესავებს თუ შეხვდით? რას ამბობ, მაგათ როგორ შეხვდებოდი, იქვე დამხვრეტდნენო! ბებიჩემი 1967 წელს გარდაიცვალა. ეს ამბავი თბილისში პარიზის საბალეტო დასის გასტროლებს დავმთხვა, სადაც ნოეს შვილიშვილი, პრიმაბალერინა ეთერ ფალავა ცეკვავდა. ეთერი პანაშვიდზე მოვიდა, მაგრამ ანდროს ისე ეშინოდა დაჭერის, სახლიდან გაიქცა და არ შეხვდა. ციხის შემდეგ სიფრთხილე სისხლში ჰქონდა გამჯდარი.

ოქროსაგაფრთხილი აზვები

- სხვათა შორის, ბევრმა არც იცის, როგორ მოხვდა თბილისის „დინამო“ 1964 წლის „ოქროს მატჩში“...

- ეს ქუთაისის „ტორპედოს“ დამსახურება იყო, რომლის მთავარი მწვრთნელიც მაშინ ან-

დრო ჟორდანიას გახლდათ. ჩემპიონატის ბოლო ტურში ქუთაისელები „დინამოს“ ხვდებოდნენ. „ტორპედოს“ 26 ქულა ჰქონდა, გავარდნის პირას იყო და ნაგების შემთხვევაში, პირველ ლიგაში დაქვეითდებოდა. „დინამო“ კი მოგებით ავტომატურად ჩემპიონი ხდებოდა. რა გინდა, რომ ჰქნა? ანდრო საშინელი დილემის წინაშე იდგა. ქართულ გუნდს პირველად ჰქონდა საბჭოთა კავშირის ჩემპიონობის რეალური შანსი, რაც მისი ოცნება იყო. მეორე მხრივ, „ტორპედოსაც“ ვერ განირავდა... მოკლედ, „ტორპედომ“ „დინამოს“ ბრძოლა გაუმართა და მატჩი 1:1 დასრულდა. საბოლოოდ, „დინამოს“ მოსკოვის „ტორპედოსთან“ „ოქროს მატჩის“ ჩატარება მოუხდა, ქუთაისის „ტორპედომ“ კი გადათამაშებაში მიიღო მონაწილეობა და მასაც გადამწყვეტი მატჩი ტაშკენტში ჰქონდა, „დინამოს“ ისტორიული გამარჯვებიდან ოთხი დღის შემდეგ. „ტორპედომ“ 4:2 მოიგო. ანდროს კი, „დინამოსთან“ ფრის შემდეგ, კომუნისტებმა „მადლობა“ გადაუხადეს - სპორტკომიტეტიდან მისი გათავისუფლების ბრძანება მოვიდა.


- კომუნისტებს ასეთები „ეხერხებოდათ“...

- ნამდვილი მადლობა გულმემატკვირებმა გადაუხადეს - ამ ბრძანებით აღშფოთებული ქუთათურები ანთებული ჩირაღდნებით აღმასკომის შენობას მიადგნენ. კომუნისტებს ფეხბურთის გამო რევოლუცია არ აწყობდათ და ანდრო აღარ გაათავისუფლეს. მაგრამ ეს ამბავიც იყო იმის გამოხატულება, როგორ ექცეოდა კომუნისტური ხელისუფლება ადამიანს, რომელმაც ქართულ ფეხბურთს უზარმაზარი სამსახური გაუწია. ამხელა უმადურობის გამო, ანდრო ჟორდანიამ საფლავში უდიდესი ტკივილი წაიღო... „ლელო“ ადრე სწორად წერდა: 1953 წელს ბერიამ დინამოელებს სტალინის სიტყვები გადასცა - ჭკუით იყავით, რუსების იმპერიაში თქვენთვის მეორე ადგილიც ბევრიაო. როცა „დინამო“ წარმატებებს აღწევდა, ჩვენში ეროვნული სული იღვიძებდა, რაზეც მოსკოვში გიჟდებოდნენ. ამიტომ იყო, 1961 წლამდე ჩემპიონები მხოლოდ მოსკოვის გუნდები რომ ხდებოდნენ, 1953 წელს კი „დინამოს“ ოქროს მედლების მოპოვების შანსი ძალით წაართვეს. ანდრო ქართულ სულს აღვიძებდა და რაში აწყობდათ?!

მერაბ მაგულაშვილი



სუთი ადგილი, სადას ადრენალინის



ქივი-ლაინგი კინტანა-როოში

თუ დაინგი შეიძლება სწრაფად აითვისოს ნებისმიერმა ჯანმრთელმა ადამიანმა, კივი-დაინგი - გაცილებით თამამებისა და გამოცდილებისთვისაა. წყალქვეშა მღვიმეებში შეუძლებელია ექსტრემალური ამოყვინთვა, იქ გაცილებით ცივა, ცუდი ხილვადობა და გაცილებით იოლია გზა აგერიოს. ექსტრემალ მყვინთავებს ეპატიუებიან ნახევარკუნძულ იუკატანის ჩრდილოეთით. იქ მექსიკის შტატ კინტანა-როოში დიდი რაოდენობით წყალქვეშა მარშრუტებია, სადაც საათობით „სეირნობა“ შეიძლება.

დოლი ველურ ხარზე ტექსასში

ნესი მარტივია: უნდა გაძლო რვა წამი. მაგრამ ეს რვა წამი უსასრულოდ გეჩვენება, რადგან გააფთრებულ ხარზე ზიხარ და თან უფლება გაქვს მხოლოდ ცალი ხელით გეჭიროს საკუთარი თავი. ველურ ხარზე დოლი როდე-

ოს ყველაზე სახიფათო სახეობად მიიჩნევა, მაგრამ თუ საკუთარ თავში დარწმუნებული ხარ, გაემგზავრეთ აშშ-ის სამხრეთით - იქ გელოდებთ „რვა ყველაზე სახიფათო წამი სპორტში“.

პერი-სკი ანღებში

ამბობენ გაუვალ და ფეხდაუდებელ თოვლიან კალთაზე დაშვება - განსაკუთრებული, ყველაფრისგან გამორჩეული სიამოვნებაა, რომელიც მიუღწეველია ჩვეულებრივი მოყვარული მოთხილამურისთვის, რომელიც საბაგიროს რიგში დგას.

თუმცა ამ სიამოვნების ფასი, შესაძლოა, ძალიან მაღალი იყოს: მოუმზადებელი ტრასა ბევრ სიფათს შეიცავს და იქიდან დაშვება მხოლოდ უდიდესი გამოცდილების მქონე მოთხილამურეს შეუძლია. ყველაფერთან ერთად, მან იცის,



უნდა გაეზოგავროთ გაქოსაყოფად

როგორ გამოიყენოს სხვადასხვა ინვერტარი, მათ შორის ზვავის გადამცემები. ასეთ მთებზე ვერტმფრენით ადიან. მსგავსი „ტრასების“ მოძებნა ნებისმიერ პოპულარულ სამთო კურორტზე შეიძლება. მაგალითად, ანდებში სეზონი ივნისიდან ოქტომბრამდე გრძელდება - შესაძლოა, ეს არის საუკეთესო საშუალება ზაფხულის სიცხისგან თავის დასაღწევად.

რაფტინგი თეთრ ნილოსზე

სპორტის ეს სახეობა უკვე ძალიან პოპულარულია, მაგრამ საკმაოდ რთული და ტრავმატული: არსებობს ექვსი კატეგორია და უკვე მესამე კატეგორია დიდ გამოცდილებას მოითხოვს. რაფტინგი ბევრს ადგილას არის ხელმისაწვდომი, მაგრამ ეგზოტიკის მოყვარულებს ურჩევნებ უგანდაში გამგზავრებას და თეთრ ნილოსზე დაშვებას - ეს არის ნილოსის თითქმის ათასკილომეტრიანი შესწავლი.


ჰაბოლი ეზბარში

არ არსებობს იმაზე ველური საფეხბურთო მატჩი, ვიდრე ის, რომელიც ყოველწლიურად ინგლისის პატარა სოფელ ეშბერნში იმართება. მატჩში მონაწილეობას იღებს სოფლის თითქმის ყველა მცხოვრები. მათ ემატება ათობით ტურისტი - ისინი ყოველ წელს სპეციალურად ჩადიან ეშბერნში ჰაბოლის სათამაშოდ. მოთამაშეები ორ გუნდად იყოფიან, მინდვრად იყენებენ მთელ სოფელს. ეშბერნის სხვადასხვა ბოლოში ქვებისგან დამზადებული ორი „კარია“, გოლის გატანა ნიშნავს - ბურთის ქვაზე სამჯერ დარტყმას. ჰაბოლს პრაქტიკულად არ აქვს წესები, თუმცა ცნობილია, რომ მკვლელობა და მძიმე დაზიანების მიყენება არ არის მიზანშეწონილი.

გია თვალაბაიშვილი



პასტანგ პლაგინი ფინალის წინ უნგრელს მუსლაბი უსასხასებდა



რკინის რაში

- დავიწყეთ იმით, თუ როგორ მოხედით საჭიდაო ხალიჩაზე...

- ორი წლის ვიყავი, ჩოჩხათიდან ოზურგეთის რაიონის სოფელ ბაილეთში რომ გადავედი საცხოვრებლად ოჯახთან ერთად. მამა ადრე დამელუპა და უფროსმა ძმამ - ზაურმა გაგვზარდა მე და გივი, ჩემი მეორე ძმა. მაშინ რაიონში პოპულარულები იყვნენ ჩვენი თანასოფლელები - ელგუჯა დარჩია და გონერ ჩხარტიშვილი - ცნობილი ფალავნები. ოზურგეთში მათს ორთაბრძოლებს რომ ვესწრებოდი თანატოლებთან ერთად, სურვილი გამიჩნდა ჭიდაობაზე მევლო. საიდუმლო გონერს გავანდე, მან კი მიხეილ თავართქილაძესთან მიმიყვანა. სოფლის შრომას მიჩვეულს ვარჯიში არ მეზარებოდა - ჩემი სახლიდან დარბაზამდე 12 კილომეტრი იყო. სშირად მივლია ფეხით, რადგან ზოგჯერ ავტობუსის ფულიც არ მქონდა. განსაკუთრებით ზამთრობით მიჭირდა: ადრე ღამდებოდა, გორები უნდა გადამევლო და ტურების მეშინოდა. ამიტომ დროდადრო მეგობრებთან - ზურაბიანებთან ვრჩებოდი. ისინიც ჭიდაობდნენ და ნახევრად მათს ოჯახში გავიზარდე. გზასავალი რომ შეემსუბუქებინათ, ბიჭებმა ველოსიპედის ნაწილები შემეგროვეს და ჩემი ხელით ავანყვე „რკინის რაში“. მერე ვარჯიშებზე სიარული გამიადვილდა. 16 წლის ვიყავი, რაიონულ პირველობაზე ტრავმირებულმა რომ ვიჭიდავე. ტკივილს ყურადღებას არ ვაქცევდი - ჩემპიონობა რომ არ მომეპოვებინა, უფროსი ძმა ვარჯიშებზე არ გამიშვებდა. ოჯახის მთელი სიმძიმე მას აწვა მხრებზე და, ცხადია, დამხმარე სჭირდებოდა. შინ პირველი ადგილის დიპლომითა და მედლით რომ დავბრუნდი, ზაურს გაუხარდა და მერე ხელსაც კი მიწყობდა, ვარჯიშები აღარ გამეცდინა...

ქულას არავისთვის დამითმია

- ...და მალე თბილისშიც ჩამოხვედით...

- 1971 წელი იყო, მოსწავლეთა საქართველოს სპარტაკიდა რომ მოვიგე და და-

თო დავითაიას ინიციატივით, სავარჯიშოდ თბილისში გადმომიყვანეს. ბატონი დათო მაშინ საქართველოს ახალგაზრდული ნაკრების მთავარი მწვრთნელი იყო; იმავე წელს ალმათიში მოსწავლეთა სპარტაკიადის ჩემპიონი გავხდი. 1973 წელს სწორედ დათო დავითაიას ხელმძღვანელობით „კლასიკოსებმა“ ჯერ საბჭოთა კავშირის, შემდეგ კი ევროპის თასი მოვიგეთ ბულგარეთში. მაშინ გუნდში ჩემთან ერთად გამოდიოდნენ ისეთი ცნობილი ფალავნები, როგორებიც იყვნენ: მიხეილ სალაძე, თეიმურაზ აფხაზავა, ესტატე გოგლიჩიძე, ბაქსან ლეკვეიშვილი, თამაზ ბაბუხაძია, ავთანდილ მაისურაძე, თამაზ მაჭარაშვილი, რაიდ აბრამიშვილი, მერაბ ხუხუა. ეს იყო ქართული საჭიდაო სკოლის უდიდესი წარმატება. მსგავსი შედეგი სამი წლის შემდეგაც გავიმეორეთ.


- საკავშირო ჩემპიონატზე პირველად როდის იჭიდავეთ?

- 1976 წელს, ულიანოვსკში. 52 კილოში გამოვედი, ხუთი ორთაბრძოლა მოვიგე; მეექვსეში შატუნოვთან ქულით

დაიბადა 1954 წლის 23 ივლისს ლანჩხუთის რაიონის სოფელ ჩოჩხათში (ოდილაური). „კლასიკური“ ჭიდაობა დაიწყო ოზურგეთში 15 წლისამ მიხეილ თავართქილაძის ხელმძღვანელობით, მერე ჯემალ მეგრელიშვილი ავარჯიშებდა. საქართველოს და საკავშირო ნაკრებ გუნდებში დათო დავითაია, ვიქტორ იგუმენოვი, გენადი საპუნოვი და შამილ ხისამუტდინოვის მეთვალყურეობით იმაღლებდა ოსტატობას.

თანატოლებში 1970 წლის საქართველოს ჩემპიონმა 1971 წელს მოსწავლეთა რესპუბლიკური და საკავშირო სპარტაკიადები მოიგო. 1976 წელს საბჭოთა კავშირის ჩემპიონატზე მე-3 ადგილი დაიკავა, მომდევნო წელს მსოფლიო უნივერსიადაზე გაიმარჯვა. 1978 წლის მსოფლიოს და ევროპის ჩემპიონმა 1980 წელს ევროპის ჩემპიონატსა და მოსკოვის ოლიმპიურ თამაშებზე ოქროს მედლები დაიმსახურა.

1981 წლის საბჭოთა კავშირისა და მსოფლიოს ჩემპიონია. 1982 წლის მსოფლიოს თასის მფლობელი, სპორტის დამსახურებული ოსტატი ვახტანგ ბლაგიძე ვახტანგ გორგასლის მე-2 ხარისხის ორდენის კავალერი და „სპორტის რაინდი“. ოზურგეთში ოლიმპიური ჩემპიონის ვარსკვლავი გაიხსნა...



დავმარცხდი და მესამე ადგილზე გავდი. მომდევნო წელს ტრავმის გამო საკავშირო პირველობაზე ვერ ვიჭიდავე. ნაკრებში მოსახვედრად ბულგარეთში პეტროვის სახელობის ტურნირზე გამგზავნეს. ყველა მეტოქე ისე დავამარცხე, ქულაც არავისთვის დამითმია. ნაკრების მთავარი მწვრთნელი ოლიმპიური ჩემპიონი ხისამუტიდინოვი მენდო და მსოფლიოს უნივერსიადაზე მაჭიდავა, ისევე ბულგარეთში. მე და თემურ აფხაზავა ჩემპიონები გავხდით.

მოსკოვამდე ევროპას იყო და მსოფლიოს

- თქვენთვის, ალბათ, ყველაზე ძვირფასი, ოლიმპიური თამაშების მოგება იყო.

- რა თქმა უნდა. მაგრამ 1978 წელიც მინდა გავიხსენო - ევროპაც მოვიგე და მსოფლიოც. რაც შეეხება მოსკოვის ოლიმპიურ თამაშებს, იქ მოსახვედრად დიდი გამოცდა გავიარე. ერთი კონკურენტი მყავდა - კამილ ფატკულინი, რომელმაც 1979 წლის მსოფლიოს ჩემპიონატის ფინალი რაცთან დათმო. იმ წელიწადს ტრავმის გამო არ მიჭიდავია. ამის მიუხედავად, მწვრთნელები პირველ ნომრად მიმიჩნევდნენ, მაგრამ ეს უნდა

დამემტკიცებინა. და აი, 1980 წლის მარტში ევროპის ჩემპიონატი გაიმართა ჩეხეთში. ექვსი შეხვედრიდან ექვსივე წმინდად მოვიგე. ფინალში რაცი დავამარცხე. ამის შემდეგ ოლიმპიადაზე ჩემი მოხვედრა სათუო აღარ გამხდარა. ერთმა ფაქტმა მაინც მატკინა გული: მე და თემურ ყაზარაშვილი ერთად ვემზადებოდით 1980 წლის თამაშებისთვის. იგი უკვე ირიცხებოდა ოლიმპიურ გუნდში, რადგან საკონტროლო შეხვედრები 1976 წლის ოლიმპიურ ჩემპიონ უშმაკოვსაც მოუგო. მაშინ საკავშირო სპორტკომიტეტის თავმჯდომარის მოადგილე იყო კოლოსოვი, წარმოშობით ყაზახეთიდან. მან ყაზარაშვილი ამოგადებინა შემადგენლობიდან და თანამემამულე ჯაქსალ უშკიმპიროვი ჩასვა. ის კი ოლიმპიური ჩემპიონი გახდა. თემურს მისთვისაც მოგებული ჰქონდა საკონტროლო შეხვედრები. დარწმუნებული ვარ, რომ მოსკოვში ყაზარაშვილიც გახდებოდა ოლიმპიური ჩემპიონი... მე კი, ფინალში საჭიდაოდ რომ გავედი, შევნიშნე, რომ უნგრელ ფალავანს მუხლები უცახცახებდა. მივხვდი, რომ გადამწყვეტი ორთაბრძოლა მოგებული მქონდა. მართლაც, 19:1 გავიმარჯვე და ოლიმპიური ჩემპიონი გავხდი. ის ერთადერთი ქულა მეტოქეს მსაჯვებმა აჩუქეს - პასიურობისთვის (!) გამაფრთხილეს.

ბენჯე ბალარჩინილი

- ამგვარი ტრიუმფის მიუხედავად, მასხოვს, მაშინ ხიფათს გადაეყარეთ...

- განსაკუთრებული არაფერი მომხდარა: გადამწყვეტი ორთაბრძოლა რომ მოვიგე, სარბიელიდან გამოსვლისას ხალიჩას სამჯერ ვაკოცე და პირჯვარი გადავიწერე.

- და ეს შესტი კინალამ ძვირად დაგიჯდათ...


- ამის გამო ერთი ალიაქოთი ატყდა. ნაკრების მწვრთნელი გენადი საპუნოვი და სპორტკომიტეტის სახელმწიფო მწვრთნელი ნიკოლაი პარხომენკო „ზემოთ“ დაიბარეს და ტყავი გააძრეს. მათ კი უმართლიათ - ბლაგიძე ერთი სოფლელი ბიჭია, ამდენი არ იცის და ყურადღებას ნუ მიაქცევთო. სპორტიდან ჩემს მოკვეთსაც მოითხოვდნენ, თურმე, მაგრამ მწვრთნელებმა გადამარჩინეს. სხვათა შორის, საქართველოს კომკავშირის მაშინდელმა ხელმძღვანელმა ჟიული შარტავამ არაოფიციალურად მიმილო, გამარჯვება მომილოცა და ბენჯე ხარ გადარჩინილიო, მითხრა - ისე, პირჯვარს მეც ვინერ, მაგრამ ამას ვინმეს დასანახავად კი არ ვაკეთებო, დასძინა. ყოველივეს მიუხედავად, ჩემი საქციელი არასდროს მინანია, რადგან ის გამარჯვება უფლის ნებაც იყო.

ის კიდევ ჭილაოხსო?

- უკითხავს...


- ამგვარი დავიდარაბის შემდეგ ნაკრებში როგორ მოგიწვიეს - თქვენ ხომ მომდევნო წელს მსოფლიოს ჩემპიონატზეც იჭიდავეთ?

- დიას. ჯერ საკავშირო პირველობაზე გამოვედი როსტოვში. რადგანაც საბჭოთა კავშირის სპორტკომიტეტში ცერად მიყურებდნენ, ნაკრებში სომეხ ბენჯე პაშაიანის მიწვევას აპირებდნენ. ჩემს მხარეს იყო ნაკრების მთავარი მწვრთნელი გენადი საპუნოვი. ვინც საკავშირო ჩემპიონატს მოიგებს, მსოფლიოზეც ის ნავაო, თქვა, თან შემავალიანა, რადგან კარგი ურთიერთობა გექონდა. ფინალში სწორედ მე და ბენჯე შეხვედით ერთმანეთს. წუთ-ნახევარში 12 ქულა ავართვი და ოქროს მედალი მოვიპოვე. საპუნოვმაც სიტყვა შეასრულა - ზემოდან დიდი წნეხის მიუხედავად, მსოფლიოს ჩემპიონატზე წამიყვანა ნორვეგიაში, სადაც მე და მიხეილ სალაძე კვარცხლბეკის უმაღლეს სა-



ფეხურზე ავედით. ექვსი ორთაბრძოლა მოვიგე და ყველას ერთად წუთი მოვანდომე. ფინალში იაპონელს ვძლიე 40 წამში. როდესაც გვაჯილდოებდნენ, უშიშროების ერთ-ერთ მაღალჩინოსანს უთქვამს - ის კიდევ ჭილაოხსო? დიდი სარბიელისკენ გზა გადამიკეტეს, თუმცა საპუნოვმა 1982 წელს კიდევ ერთხელ მისმო ნაკრებში მსოფლიოს თასზე საასპარეზოდ. მაშინაც ფინალში რაცს მოვეუგე. თანაც ბუდაპეშტში - 12:0. ამის შემდეგ საპუნოვმა მითხრა - პირჯვარის გადანერას გაპატიებენ და ნაკრებში დაგაბრუნებენ, საცხოვრებლად მოსკოვში თუ გადმოხვალ და რუსეთის სახელით იჭიდავებო. დაუფიქრებლად უარი ვტკიცე. იმ წელიწადს მსოფლიოზე არ წამიყვანეს. ვიცოდი, რომ გზას არ გამიხსნიდნენ, ამიტომ ჭილაოხის გაგრძელებას აზრი არ ჰქონდა და დიდ სპორტს ჩამოვშორდი. ერთი წლის შემდეგ მკლავის ოპერაცია გავიკეთე. იარა ნესიურად არც მქონდა მოშუშებული, რომ ჟიული შარტავამ მთხოვა, საქართველოს სჭირდება და საბჭოთა კავშირის ხალხთა სპარტაკიდაზე უნდა გამოხვიდეო. ხათრი ვერ გავუტყებ, ვიჭიდავე და ბრინჯაოს მედალიც ავიღე. მეტი აღარც გავსულვარ ხალიჩაზე.

ვაჟა დანელია





სპორტის დედოფალი დაგვიფიქრობა

თბილისის „ივენტ ჰოლში“ ევროპის მძლეოსნობის გუნდური ჩემპიონატის დახურვის ცერემონია გაიმართა. ღონისძიებაზე დააჯილდოვეს გუნდური ჩემპიონატის პრიზიორები, ასევე ევროპის მძლეოსნობის ფედერაციამ საქართველოს მძლეოსნობის ფედერაციის პრეზიდენტი ალექსი ახვლედიანი სპეციალური პრიზით დააჯილდოვა.

ცერემონიის დახურვაზე საქართველოს მძლეოსნობის ეროვნული ფედერაციის პრეზიდენტი ალექო ახვლედიანი და უცხოელი სტუმრები სიტყვით გამოვიდნენ. შემდეგ კი საზეიმო კონცერტი გაიმართა, რომელშიც „თბილისი 2014-ის“ სახე გვანცა ჯაფარიძე, ნინო ჩხეიძე და სხვები მონაწილეობდნენ. ასევე წარმოდგენილი იყო ქორეოგრაფიული ნომრები, ხოლო საღამო ფოიერვერკით დაგვირგვინდა.

გუნდურ ჩემპიონატში პირველი ადგილი კვიპროსმა დაიკავა, მეორეზე ისლანდია გავიდა, მესამეზე კი ისრაელი. საქართველოს ნაკრები ჩემპიონატზე მეშვიდე ადგილზე გავიდა.

როგორც ყურნალისტებს ალექსი ახვლედიანმა განუცხადა, ჩემპიონატის მიმართ საკმაოდ მაღალი შეფასებები გაკეთდა.

„კმაყოფილიც ვარ და ბედნიერიც, ძალიან ბევრ ღონისძიებაზე ვარ ნამყოფი და ასეთი მოტივირებული და ორგანიზებული მოხალისეები არ მინახავს. ეს იმედს მძლევს, რომ 2015 წლის ოლიმპიური ფესტივალი კიდევ უფრო კარგად ჩატარდება, რადგან ჩვენ გვყავს საზოგადოება, რომელიც მოტივირებულია. საკმაოდ მაღალი შეფასებები გაკეთდა და ეს ყველას გამარჯვებაა“, - აღნიშნა ახვლედიანმა.

მისივე თქმით, 2016 წელს თბილისში მძლეოსნობის ევროპის ახალგაზრდული ჩემპიონატი ჩატარდება, რომელიც უფრო მასშტაბური იქნება. მასში მონაწილეობას 50 ქვეყანა მიიღებს.

ევროპის მძლეოსნობის გუნდური ჩემპიონატი, რომელიც თბილისში 21-22 ივნისს გაიმართა, ორ ლოკაციაში მიმდინარეობდა, დინამო არენაზე და მძლეოსნობის ახალ სტადიონზე დილომში.

ჩემპიონატი სხვადასხვა დისტანციაზე რბენას, ხტომას (ჭოკით ხტომა, სამმაგი ხტომა, სიგრძეზე ხტომა, სიმაღლეზე ხტომა), ტყორცნებს (ურო, ბადრო, შუბი) და ბირთვის კვრას მოიცავს. ჩემპიონატში ევროპის 15 ქვეყანა (მათ შორის საქართველო) და 508 სპორტსმენი იღებდა მონაწილეობას. მას ევროპის ოფიციალური დელეგაცია დაესწრო.

ჩემპიონატის ორგანიზატორი საქართველოს მძლეოსნობის ეროვნული ფედერაციის საორგანიზაციო კომიტეტი იყო.






აიოAMI.GE

ოყავი ვირვანი კავი

ვირვანი ქართული მამაკაცური სანიტი



კარიკატურა




ფოტოგრაფი



აი, თურმე...

მარცხენა ფოტოზე გერმანიის ნაკრებისა და მიუნხენის „ბაიერნის“ თავდამსხმელი თომას მიულერია, მარჯვნივ კი შოლანდიის ნაკრებისა და „მანჩესტერ იუნაიტედის“ ლიდერი რობინ ვან პერსი.




გამცვირობელი

ჩასაფრებელი ობიექტი

რუსული აგრესია



ეს მხიარული გულშემატკივარი მუნდიალიდან გავარდნილ გუნდებს ასე ორიგინალურად ემშვიდობება





ისტორიანი

საუკეთესო ისტორიების
მთხრობელი ჟურნალი!



ნეიშარი

პრაზილია

week

ISSN 1987-9148
NSSN
9 771987 914000

